

于鄴詩集目錄

西還

洛中晴望

東門路

題長春宮

客中

出門

客中月

孤雲

夜與故人別

南遊

洛陽道

送客東歸

題華山麻處士

別友人

書懷

過洛陽城

過侯王故第

遠水



贈隱者

山上樹

寄北客

路傍草

江樓春望

書情

秋夕聞鴈

洛中有懷

夜泊湘江

感情

王將軍宅夜聽歌

歲暮還家

褒中即事

訪僧不遇

春過函谷關

高樓

寄友人

還家

夜尋僧不遇

長信宮二首

天南憶故人

南遊有感

詠蟬

于鄴詩集目錄

于鄴詩集

三十七

西還

不繫與舟閑悠悠吳楚間羞將新白髮却到舊  
青山一葉初飛樹幾人同入關長安家尚在秋  
至又西還

四十九

洛中晴望

九陌盡風塵囂囂晝復昏古今人不斷南北路  
長存葉落上陽樹草衰金谷園亂鴉歸未已斜  
日半前軒

四十三

東門路

東門車馬路此路在浮沉白日若不落紅塵應  
更深從來名利地皆起是非心所以青青草年  
年生漢陰

題長春宮

莫問古宮名古宮空有城唯應東去水不改舊  
時聲

客中

楚人歌竹枝遊子淚沾衣異國久為客寒宵方  
夢歸一封書未返千樹葉皆飛南過洞庭水更  
應消息稀

出門

東南千里行處處有車聲若使地無利始應人  
不營天涯猶馬到石跡尚塵生如此未曾息蜀

山終冀平

客中月

離家凡幾宵一望一寥寥新魄又將滿故鄉應  
漸遙獨臨彭蠡水遠憶洛陽橋更有乘舟客悽  
然亦駐橈

孤雲

南北各萬里有雲心更閑因風離海上伴月到

人間洛浦少高樹長安無舊山徘徊不可駐  
漢更東還鄴集作又東還

三十七夜與故人別

白日去難駐故人非舊容今宵一別後何處復  
相逢過楚水千里到秦山幾重語來天又曉月  
落滿城鐘鄴集首句作去難駐

五十四南遊

窮秋幾日雨處處生蒼苔舊國寄書後涼天方  
鴈來露繁山草濕洲暖水花開去盡同行客一  
帆猶未回

六三十六洛陽道中作鄴集作洛陽道

浮世若浮雲十回故復新旋添青草冢更有白  
頭人歲暮客將老雪晴山欲春行行車與馬不  
盡洛陽塵

七三十七送客東歸鄴集多送字

一聽遊子歌秋計覺蹉跎四海少平地百川無  
定波共驚年已暮俱向客中過又駕征輪去東  
歸將若何鄴集作將若何

八三十六題華山麻處士所居一本無所鄴集作麻處士居二字

貴賤各擾擾皆逢朝市聞到此馬無跡始知君

一作復

獨閑冰破聽敷水雪晴看華山西風寂寞地唯  
我坐忘還

古 別友人 蘇集作別友人

行子與秋葉各隨南北風雖非千里別還阻一  
歡同過盡少年日尚如長路蓬猶為布衣客羞  
入故關中

三十九 書懷

長安多路岐西去欲何依浮世只如此舊山長  
憶歸自離京國久應已故人稀好與孤雲住孤  
雲無是非

十二 過洛陽城

古來利與名俱在洛陽城九陌鼓初起萬車輪  
已行周秦時幾變伊洛水猶清二月中橋路鳥  
啼春草生

十三 過侯王故第

過此一酸辛行人有淚痕獨殘新碧樹猶擁舊  
朱門歌歇雲初散簷空燕尚存不知彈鋏客何  
處感新恩

三十四 遠水

悔作望南浦望中生遠愁因知人易老為有水

長  
東流欲附故鄉信不逢歸客舟萋萋兩岸草又  
度一年秋

三五  
贈隱者山居一作贈鄴集作贈隱者

石室掃無塵人寰與此分飛來南浦樹半是華  
山雲浮世幾多事先生應不聞寒川滿西日空  
照鴈成羣

四  
山上樹一作山鄴集桂作樹

十六  
日暖山上路鳥啼知己春忽逢幽隱處如見獨  
醒人石冷開常晚風多落亦頻樵夫應不識歲  
久伐為薪

十七  
寄北客

窮邊足風慘何處醉樓臺家去幾千里月圓十  
二回寒雲山隨日遠雪路向城開遊子久無信年  
年空鴈來鄴集雲山作寒牛

三十三  
路傍草

春至始青青香車碾已平不知山下處來繞路  
傍生每歲有人在何時無馬行應隨塵與土吹  
滿洛陽城鄴集四句向作遠六句

四十一  
江樓春望

樓下長江路舟車盡不閑鳥聲非故國春色是

他山一望雲復水幾重河與關愁心隨落日萬  
里為西還鄴集八句

二十三 書情

負郭有田在年年長廢耕欲磨秋鏡淨恐見白  
頭生未作一句別已過千里程不知書與劍十  
載兩無成

二十四 秋夕聞鴈

星漢欲沉盡誰家砧未休忽聞涼鴈至如報杜  
陵秋千樹有黃葉幾人新白頭洞庭今夜客一  
半却登舟鄴集五句有作又

二十五 洛中有懷

潺潺伊洛河寂寞少思波鑿駕久不東幸洛陽春  
草多

二十六 夜泊湘江

北風吹楚樹此地獨先秋何事屈原恨不隨湘  
水流涼天生半月竟夕伴孤舟一作南行客無  
成空白頭

二十七 感情一作鄴集作

青山長寂寞南望獨高歌四海故人盡九原新  
冢多西沉浮世日東注逝川波不使年華駐此



生看幾何新集首句寂寂作寂寞四句  
家作龍八句能作看

二十四 王將軍宅夜聽歌

朱檻滿明月美人歌落梅忽驚塵起處疑有鳳  
飛來一曲聽初徹幾年愁暫開東南正雲雨不  
得見陽臺

二十五 歲暮還家

東西流不駐白日與車輪殘雪半成水微風應  
欲春幾經他國歲已減故鄉人回首長安道十  
年長苦辛

二十六 懷中即事

風吹殘雨歇雲去有煙霞南浦足遊友綠蘋應  
發花遠鐘當半夜明月入千家不住故鄉夢始  
知京洛賒三句遊女新集作游友落千家不作字新

二十七 訪僧不遇一作訪  
僧不遇 新集作訪僧不遇

人間唯此道長得綠苔衣及戶無行跡遊方應  
未歸平生何限事到此盡知非獨倚松門久陰  
雲昏翠微五句無作何

二十八 春過函谷關

幾度作遊客客行長苦辛愁看函谷路老盡布  
衣人歲遠關猶困四時移草亦春何當名利息遣

此絕征輪

三  
五十七 高樓

遠天明月出照此誰家樓上有羅衣色涼風吹

不秋林秋

二十九 寄友人

長安清渭東遊子跡重重皆是去紅塵路難尋君

馬蹤昔時輕一別漸老貴相逢應戀嵩陽住好嵩

陽饒古松三句皆是紅塵客勸集作此去紅塵路陽好作陽住  
有古松作饒古松

三十一 還家

為客憶歸舍歸來還寂寥壯時春欲過白首固故

非遙獨酌幾回醉終年恨此愁終不銷猶殘雞與犬驅

去住山椒首句歸來勸集作歸舍三句看作春終身恨不銷作  
此愁終不銷同去作驅去

三十三 夜尋僧不遇一作夜尋僧  
僧游山未歸

數歇度煙水漸非塵俗間泉聲入秋寺月色遍

寒山石路幾回雪竹房猶閉關不知雙樹客何

處與雲閑

長信宮

簾清秋氣初長信恨何如拂黛月生指理髮雲一作

滿梳一從悲畫扇幾度泣前魚坐聽南宮樂涼

風搖翠裾

一失輦前恩綺羅生暗塵唯應深夜月獨伴向  
隅人長信翠蛟或老故昭陽紅粉新君心似秋節不  
使草長春

三十四 天南憶故人

獨行千里塵路軋軋轉征輪一別已多日總看成

老人洞庭雪霜不下故國草應春二月煙波暖南

風生綠蘋首白齋集作獨行十里客

三十六 南遊有感

杜陵無厚業不得駐車輪重到曾遊處多非舊  
主人東風千嶺樹西日一洲蘋好渡湘江水湘

江水復春

四十四 詠蟬聞早蟬一作詠蟬

江頭一聲起芳歲已難留聽此高林上遙知故  
國秋應催風落葉似勸客迴舟不是新蟬苦年  
年自有愁

取季滄葦鈔本校此集出詩二十一首錄之別錄其餘

異字志不可勝計第不知原出何書耳

于鄴詩集 乙丑二月十四日據明刊十字詩存校完

于謙詩集

辛自百感

園林飄斷風荅葉以憐客感舟不長憐軀苦平  
正與一簪秋共涼已蝶留離北高林上盡映姑

病軀

五水厨春

于鄴詩補遺

四九 宿江口

南渡人來絕喧喧雁滿沙自生江上月長有客  
思家半夜下霜岸北風吹荻花自驚歸夢斷不  
得到天涯

四 勸酒

勸君金屈卮滿酌不須辭花發多風雨人生足  
別離

五八

送魏山韋處士

處一作送田

陰陰亭際閒相顧慘離顏一片雲飛去嵯峨空

魏山

三十九 友人南遊不回因而有寄

相思春樹綠千里亦一作各依依鄆杜月頻滿瀟

湘人一作不歸桂花風半落烟草蝶雙飛一別

無消息水南車一作蹤跡稀

二三 感懷一作感

東風吹草色空使客蹉跎不設太平險更應遊

子多幾傷一作觴行處淚一作酒一曲醉中歌盡向

青門外東隨渭水波

贈王道士

日日市朝路何時無苦辛不隨丹竈客終作白

頭人浮世度千歲桃源方一春歸來華表上應

笑北印塵

四 尋山

到此絕車輪萋萋草樹春青山如有利白石亦

成塵水潤應無路松深不見人如知巢與許千

載跡猶新

九 匣中琴

世人無正心中網匣中琴何以經時廢非為娛

耳音獨令高韻在誰感隙塵深應是南風曲鼓

散不合今

三十一 客中覽鏡

何當開此鏡即見髮如絲  
白日急於水少年能  
幾時每逢芳草處長  
返故園遲所以多為客  
蹉跎欲怨誰

四十一 斜谷道

亂峰連疊嶂千里綠  
峩峩蜀國路如此遊  
人車亦過遠烟當驛  
斂驟雨逐風多獨憶  
紫芝叟臨風歌舊歌

四十六 早春山行

江草暖初綠雁行皆北  
飛異鄉那久客野鳥尚  
思歸十載過如夢素心  
應已違行行家漸遠更  
苦得書稀

四十七 與僧話舊

草堂前有山一見一相  
寬處世貴僧靜青松因  
歲寒他山逢舊侶盡日  
話長安所以閒行跡千  
回遠藥欄

五十三 秋夜達蕭關

擾擾遊梁路人忙月自  
閒去年為塞客今夜宿  
蕭關僻國幾經歲望鄉  
空見山不知江葉下又

作布衣還

五十二 長安逢隱者

征車千里至去碾徧六街塵向此有營地忽逢無  
事人昔時顏未改浮世路多新且脫衣沽酒終  
南山欲春

四十五 過百牢關貽舟中者

蜀國少平地方思京洛間遠為千里客來度百  
牢關帆影清江水鈴鼓碧草山不因名與利爾

一作我爾一作各應間

三十五 遊中梁山

僻地好泉石何人曾陸沉不知青嶂外更有白  
雲深因此見喬木幾回思舊林慙慙猿與一作與猿  
鳥惟我獨何心

三十六 送鄮縣董明府之任

南北已行久憐君知苦辛萬家同草木三載得  
一作陽春東道聽遊子夷門歌主人空持語相  
送應怪不霑巾

贈賣松人

入市雖求利憐君意獨真劔欲一作將寒澗樹賣  
與翠樓人瘦葉幾經雪淡花應少春長安重桃

李徒染六街塵

五十一 白櫻桃

王母階前種幾株  
水晶簾內看如無  
只應漢武金盤上  
瀉得珊珊白露珠

五十一 白櫻桃

記得花開雪滿枝  
和蜂和蝶帶花移  
如一作今花落遊蜂去  
空作主人惆悵詩

下第不勝其忿  
題路左佛廟

雀兒未逐颺風高  
下視鷹鷂意氣豪  
自謂能生千里足  
黃昏依舊委蓬蒿

于瀆詩集

秦富人

高高起華堂  
遠遠引流水  
糞土視金珍  
猶嫌未奢侈  
陋巷滿蓬蒿  
誰憐有顏子

擬古意

白玉若無玷  
花顏須及時  
國色久在室  
良媒亦生疑  
鴉鬟未成髻  
鸞鏡徒相知  
翻慙効顰者  
却笑從人遲

思歸引

不耕南畝田  
為愛東堂桂  
身同樹上花  
一落又



李徒染六街塵

五十一  
白櫻桃

王母階前種幾株  
水晶簾內看如無  
只應漢武金盤上  
瀉得珊珊白露珠

五十一  
白櫻桃

記得花開雪滿枝  
和蜂和蝶帶花移  
如一作今花落遊蜂去  
空作主人惆悵詩

下第不勝其忿  
題路左佛廟

雀兒未逐颺風高  
下視鷹鷂意氣豪  
自謂能生千里足  
黄昏依舊委蓬蒿

于瀆詩集

秦富人

高高起華堂  
遠遠引流水  
糞土視金珍  
猶嫌未奢侈  
陋巷滿蓬蒿  
誰憐有顏子

擬古意

白玉若無玷  
花顏須及時  
國色久在室  
良媒亦生疑  
鴉鬟未成髻  
鸞鏡徒相知  
翻慙効顰者  
却笑從人遲

思歸引

不耕南畝田  
為愛東堂桂  
身同樹上花  
一落又

經歲交親日相薄  
知己恩潛替日開  
十二門自  
是無歸計

苦辛吟

壟上扶犁兒手種  
腹長饑惚下擲梭  
女手織身  
無衣我願燕趙姝  
化為嫫母姿  
一笑不直錢  
自然家國肥

馬嵬驛

常經馬嵬驛見說  
坡前客一從  
屠貴妃生女愁  
傾國是日芙蓉花  
不如秋草色  
當時嫁匹夫  
不妨得頭白

隴頭吟

一作水

借問隴頭水終年恨何事  
深疑嗚咽聲中有征  
人淚自古蘊長策  
況我非才智無計謝潺湲  
一宵空不寐

後四句一作昨日上山下達曙不能寐何處接長波東流入清渭

塞下曲

紫塞曉屯兵  
黃沙披甲卧  
戰鼓聲未齊  
烏鳶已相賀  
燕然山上雲  
半是離鄉魂  
衛霍待富貴  
豈能無軋坤

一作不知誰與論

山村曉思

開門省禾黍  
鄰翁水頭住  
今朝南澗波  
昨夜西

一作赤子別父母  
大戎圖還安

川雨牧童披短蓑腰笛期煙渚不問水邊人騎  
牛傍山去

南越謠

迢迢東南天巨浸無津壖雄風卷昏霧干戈滿  
艤船此時尉佗心兒童待幽燕三寸陸賈舌萬  
里漢山川苦令交趾貨盡生虞芮田天意苟如  
此遐人誰肯憐

野蠶

野蠶食青桑吐絲亦成繭無功及生人何異偷  
飽煖我願均爾絲化為寒者衣

古宴曲

雉扇合蓬萊朝車回紫陌重門集嘶馬言宴金  
張宅燕娥奉卮酒低鬟若無力千戶手胼胝鳳  
凰釵一隻高樓齊下視日照羅衣色笑指負薪  
人不信生中國

秦原覽古

耕者戮力地龍虎曾角逐火德道將亨夜逢虵  
母哭昔日望夷宮是處尋桑穀漢祖竟為龍趙  
高徒指鹿當時行路人已合傷心目漢祚又千  
年秦原草還綠

旅館秋思

旅館坐孤寂出門成苦吟何事覺歸晚黃花秋  
意深塞蝶戀衰草軫我離鄉心更見庭前樹南  
枝巢宿禽

遼陽行

遼陽在何處妾欲隨君去義合齊死生本不誇  
機杼誰能守空閨虛問遼陽路

述已歎

不長不成人及長老逼身履善本求樂及善尤  
苦辛如何幽并兒一箭取功勳

田翁歎

一本下有桑字

手植千樹桑文杏作中梁頻年徭役重盡屬富  
家郎富家田業廣用此買金章昨日門前過軒  
車滿垂楊歸來說向家兒孫竟咨嗟不見千樹  
桑一浦芙蓉花

長城

秦皇豈無德蒙氏非不武豈將版築功萬里遮  
胡虜團沙世所難作壘明知苦死者倍堪傷僵  
屍猶抱杵十年居上郡四海誰為主縱使骨為  
塵寃名不入土

沙場夜

城上更聲發城下杵聲歇  
征人燒斷蓬對泣沙  
中月耕牛朝輓甲戰馬  
夜銜鐵士卒浣戎衣交  
河水爲血輕裘兩都客  
洞房愁宿別何況遠辭  
家生死猶未決

里中女

吾聞池中魚不識海水深  
吾聞桑下女不識華  
堂陰貧牕苦機杼富家  
鳴杵砧天與雙明眸只  
教識蒿簪徒惜越娃貌  
亦蘊韓娥音珠玉不到  
眼遂無奢侈心豈知趙  
飛燕滿髻釵黃金

寒食

二月野中芳凡花亦能香  
素娥哭新冢樵柯鳴  
柔桑田父引黃犬尋狐  
上高崗墳前呼犬歸不  
知頭似霜

邊遊錄戍卒言

二十屬盧龍三十防沙漠  
平生愛功業不覺從  
軍惡今來客鬢改知學  
孿弓錯赤肉痛金瘡他  
人成衛霍目斷望君門  
君門苦寥廓

村居晏起

村舍少聞事日高猶閉關  
起來花滿地戴勝鳴

桑間居安即永業何者爲故山朱門與蓬戶六  
十頭盡斑

經館娃宮

館娃宮畔顧國變生嬌妬勾踐膽未嘗夫差心  
已悞吳亡甘已矣越勝今何處當時二國君一  
種江邊墓

戊客南歸

一本題上  
有北字

北別黃榆塞南歸白雲鄉孤舟下彭蠡楚月沉  
滄浪爲子惜功業滿身刀箭瘡莫渡汨羅水回  
君忠孝賜

山村叟

古鑿巖居人一廛稱有產雖霑巾覆形不及貴  
門犬驅牛耕白石課女經黃蠶歲暮霜霰濃盡  
樓人飽暖

古征戰

高峯凌青冥深穴萬丈坑皇天自山谷焉得人  
心平齊魯足兵甲燕趙多娉婷仍聞麗水中日  
日黃金生苟非夷齊心豈得無戰爭

感懷

採薇易爲山何必登首陽濯纓易爲水何必泛

滄浪貴崇已難慕  
諛笑何所長  
東堂桂欲空  
猶有叔瑩光

金谷感懷

一作懷古

黃金驕石崇  
與晉爭國力  
更欲住人間  
一日買不得  
行爲忠信主  
身是文章宅  
四者俱不聞  
空傳墮樓客

恨從軍

不嫁白衫兒  
愛君新紫衣  
早知遽相別  
何用假光輝  
已聞都萬騎  
又道出重圍  
一軸金裝字  
致君終不歸

燒金曲

天壽畏不永  
燒金希長年  
積土培枯根  
自謂松栢堅  
南陌試驪裏  
西樓歌嬋娟  
豈知蔓草中  
日日開夜泉

子從軍

男作鄉中丁  
女作鄉男婦  
南村與北里  
日日見父母  
豈似從軍兒  
一去便白首  
何當鑄劍戟  
盡得丁男力

季夏逢朝客

澹水桃李熟  
杜曲芙蓉老  
九天休沐歸  
腰玉垂

楊道避路回綺羅迎風嘶騷裊豈知山谷中日  
日吹瑤草

織素謠

貧女苦筋力繰絲夜夜織萬梭爲一素世重韓  
娥色五侯初買笑建章方落籍一曲古涼州六  
親長血食勸爾盡長眉學歌飽親戚

巫山高

何山無朝雲彼雲亦悠揚何山無暮雨彼雨亦  
蒼茫宋玉恃才者憑虛構高堂自垂文賦名荒  
清師楚襄我我十二峯永作妖鬼鄉

擬古諷

洛陽大道傍甲第何深邃南畝無一廛東園有  
餘地春溪化桃李秋沼生荷芰草木本無情此  
時如有爲旱苗當壟死流水資嘉致余心甘至  
愚不會皇天意

越溪女

會稽山上雲化作越溪人枉破吳王國徒爲西  
子身江邊浣沙伴黃金扼雙腕倏忽不相期思  
傾趙飛燕妾家基業薄空有如花面嫁盡綠髻  
人獨自盤金線



富農詩 并序

濱寓居堯山南六十里里有富農得氏琅琊人  
指其貌此多藏者也積粟萬庾馬牛無筭血屬  
星居於里土生不遺死不贈環顧妻孥意與天  
地等故作是詩用廣知者

長聞鄉人語此家勝良賈骨肉化饑鬼倉中有  
飽鼠青春滿桑柘旦夕鳴機杼秋風上夜來累  
累聞砧杵西鄰有原憲蓬蒿遶環堵自樂固窮  
心天意在何處當門見堆子已作桑田主安得  
四海中盡爲虞芮土

早發

綠野含曙光東北雲如茜棲鴉林際起落月水  
中見此身何自苦日日凌霜霰流蘇帳裏人猶  
在陽臺畔

贈太行開路者

手斲太行山心齊太行巔斲盡太行險君心更  
摩天何如回苦辛自鑿東臯田

戊卒傷春

連年戊邊塞過却芳菲節東風氣力盡不減陰  
山雪蕭條柳一株南枝葉微發爲帶故鄉情依

依藉攀折晚風吹磧砂夜淚啼鄉月凌煙閣上人未必皆忠烈

青樓曲

青樓臨大道一上一回老所思終不來極目傷  
春草

于濱詩集

去臘校運令鈔本因刻本缺蓋主畢今屬青樓鈔商  
補校記時兩本二月十二日也說詳

文化集

宣城許崇文化

過洞庭湖

驚波常不定半日鬚堪斑四顧疑無地中流忽  
有山鳥高一作飛恒畏墜帆遠却如閑漁父相前引  
時歌浩渺間

登渭南縣樓

近甸名偏著登城景又寬半空分太華極日是  
長安雪助河流漲一作廣人耕燒色殘閑來時甚少  
欲下重凭欄

送李頻之南陵王簿

赴縣是還鄉途程豈覺長聽鶯離灞岸盪槩入  
陵陽野蕨生公署閑雲拂印牀一作章晴天調膳外  
垂釣有池塘

寫懷

汨沒與辛勤全鍾在此身半生爲下客終老託  
何人兩鬢關中改千巖海上春青雲知有路一作  
非有礙自是致無因

過中條山

徒爲經異岳不得訪靈蹤日盡行難盡千重復

萬重雲垂多作雨雷動半和鐘孤竹人藏處無  
因認本峰

早發洛中

半夜發清洛不知過石橋雲增中岳大樹隱上  
陽遙墜黑初沉月河明欲認潮孤村人尚夢無  
處暫停橈

汝州郡樓望嵩山

不共衆山同岩堯出迴空幾層高鳥外萬仞一  
樓中水落難歸地雲離便逐風唯應霄漢客絕  
頂路方通

將歸江南留別友人

連春不得意所業已疑非舊國亂離後新年惆  
悵歸雪開還楚路花惹別秦衣江徼多留滯高  
秋會恐違

塞外書事

征路出窮邊孤吟傍戍煙河光深蕩塞磧色迴  
連天殘日沉鷗外驚蓬到馬前空懷釣魚所未  
定卜歸年

日暮江上

孤帆收廣岸落照在遙峰南北渡人少高低歸

鳥重潮迴沙出樹雨過浦沉鐘漁父誰相問那  
能話所從

客行

旅食一作日日唯草草此生誰我同故園魂夢外長路  
別離中人事萍隨水年光鳥過空欲吟先落淚  
多是怨途窮

送李貞外知楊子留務

一作後

帝命分留務東南向楚天幾程迴送騎中路見  
迎船台例開山鑄民多酌海煎青雲名素重此  
去豈經年

春暮途次華山下

他皆宴牡丹獨又出長安遠道行非易無圖任  
自難離城風已暖近岳雨翻寒此去知誰顧閑  
吟祇自寬

旅次滑臺投獻陸侍御

已是鴻來日堪驚却背秦天遙三楚樹路遠兩  
河人旅夢難歸隱吟魂不在身霜臺歌冠豸賴  
許往來頻

重歸江南

無成歸故里不似在他鄉歲月逐流水山川空

夕陽迴潮迷古渡迸竹過鄰牆者舊休存省胡

爲止淚行

後四句一作云岸移迷釣石徑折  
認鄰牆者舊稀存者胡爲止淚行

寄黔南李校書

從戎巫峽外吟興更應多郡響蠻江漲山昏蜀  
雨過公筵饒越味俗土尚巴歌中夜懷吳夢知  
經豔瀕波

東歸留辭沈侍郎

一第久乖期深心一作終身已自疑滄江歸恨遠紫閣  
別愁遲稽古成何事龍鍾負已知依門非近日  
不慮舊恩移

題開明里友人居

城中園外住入望是田家井出深山一作泉水欄藏  
異國花風巢和鳥動雪竹向人斜來往唯君熟  
鄉園共海涯

遣懷

此生何所遂屑屑復悠悠舊國歸無計他鄉夢  
亦愁飛塵長滿眼衰髮暗添頭章句非經濟終  
難動五侯

送龍州樊使君

曾見邛人說龍州地未深碧溪飛白鳥紅旆映

青林土產唯宜藥王租只貢金政成開宴日誰  
伴使君吟

寄蓋屋薛能少府

滿縣唯雲水何曾似近畿曉庭猿集慣寒署吏  
衙稀冰色封深澗樵聲出紫微一作時聞迎隱者依  
舊著山衣

送李左丞巡邊

狂戎侵內地左轄去蕭關走馬衝邊雪鳴鞞動  
塞山風收枯草定月滿一作日閉廣沙閑西繞河蘭匝  
應多隔歲還

題青山館

即謝公舊居

境槩殊諸處依然是謝家遺文齊日月舊井照  
煙霞水隔平蕪遠山橫度鳥斜無人能此隱來  
往謾興嗟

鴈門關野望

高關閑獨望望久轉愁人紫塞唯多雪胡山不  
盡春河遙分斷野樹亂起飛塵時見東來騎心  
知近別秦

五原書事

西出黃雲外東懷白浪遙星河愁豈夜雷電獨

行朝磧迴人防寇天空鴈避鷗如何非戰卒弓  
劍不離腰

送從弟歸泉州

問省歸南服懸帆任北風何山猶見雪半路已  
無鴻瘴雜春雲重星垂夜海空往來如不住亦  
是一年中

留別故人

孤立本不偶非唯今所難無門一作聞閑共老盡日  
泣相看鳥畏聞鷓鴣花慙一作愁背牡丹何人知此  
計復議出長安

塞下二首

胡虜偏狂悍邊兵不敢閑防秋朝伏弩縱火夜  
搜山鴈逆風輦振沙飛獵騎還安西雖有路難  
更出陽關

征役已不定又緣無定河塞深烽砦密山亂犬  
羊多漢卒聞笳泣胡兒擊劍歌番情終未測今  
昔漫言和

題張喬昇平里居

下馬似無人開門只一身心同孤鶴靜行過老  
僧真亂木藏幽徑高原隔遠津匡廬曾共隱相

見自相親

題鄭拾遺南齋

明時無事諫豈是隱明君每值離丹陛多陪宴

白雲門連蕭洞僻地一作路與曲江分滿院皆檉竹

一作栢期棲鸞鶴羣

渭上送人南歸

遠役與歸愁同來渭水頭南浮應到海北去阻  
無州楚雨天連地胡風夏甚秋江人如見問爲  
話復貧遊

寄睦州陸郎中

一作寄睦州



下國多高趣終年半是吟海濤通越分部伍雜  
閩音曉郭雲藏市春山鳥護林東浮雖未遂日  
日至中心

投徐端公

無媒尋舊友強喜亦如愁丹桂阻丹懇白衣成  
白頭窮吳迷釣業大漠事貧遊霄漢期提引龍  
鍾未擬休

出塞門

步步經戎虜防兵不離身山多曾戰處路斷野  
行人暴雨聲同瀑奔沙勢異塵片時懷萬慮白

髮數莖新

新年呈友人

一月月相似一年年不同清晨窺古鏡旅貌近  
衰翁處世閑難得關身事半空浮生能幾許莫  
惜醉春風

銀州北書事

南辭採石遠北背乞銀深磧路雖多阻江人不  
廢吟鷗依孤堞立鷗向迴沙沉因共邊人熟行  
行起戰心

寄趙能卿

我命同君命君詩似我詩俱無中道計各失半  
生期素業滄江遠清時白髮垂蹉跎一如此何  
處卜棲遲

夏州道中

茫茫沙漠廣漸遠赫連城堡迴烽一作旗相見河移  
浪旋生無蟬嘶折柳有寇似防兵不耐飢寒迫  
終誰一作難至此行

經故楊太尉舊居

在漢信垂功於唐道更隆一川留古跡多代仰  
高風樹折巢隳鳥堦荒草覆蟲行人過豈少獨

駐夕陽中

東歸次採石江

東下經牛渚依然是故關客程臨岸盡鄉思入  
鷗閑雨漲巴來浪雲增楚際山漁翁知未達相  
顧不開顏

隴上書事

城壘一作堞連雲壑人家似隱居樹飛鸚鵡衆川下  
鵲鴿疎滴夢關山雨資餐隴水魚誰知江徼客  
此景倍相於

陳情獻江西李常侍五首

二十二年遊秦復滯燕徒陪羣彦後自苦此  
生前徑折啼猿樹巖荒噴月泉東堂曾受薦垂  
白志猶堅

浙浙復棲棲人間只自迷終年愁遠道到老去  
何蹊始見黃葉落又聞黃鳥啼不因趨大旆誰  
肯暫提携

童蒙即苦辛未識杏園春謾倚無爲日還成不  
偶人鄉程長恨遠旅夢亦愁貧天地雖云廣殊  
難寄此身

春闈久已滯秋賦又逢停選士疑一作宜長阻傷時

自不寧秦城還逐夢楚徼影隨形此去吟雖苦  
何人更肯聽

孤立時全塞求名勢轉難身多離下國分合阻  
長安越鳥啼春早蠻花送雨寒立門沾顧重未  
別欲闌干

經八合坂

躡險入高空初疑勢不窮又緣千嶂盡還共七  
盤同下辨東流水平隨北去鴻天然無此道  
免患通

送友人北遊

北出陰關去何人肯待君無青山擁晉半濁水  
通汾鴈塞雖多鴈雲州却少雲茲遊殊不惡莫  
恨暫離羣

登凌歊臺

平蕪望已極況復倚凌歊江截吳山斷天臨楚  
澤遙雲帆高出樹水市迴分橋立久斜陽盡無  
言似寂寥

曲江三月三日

滿國賞芳辰飛蹄復走輪好花皆折盡明日恐  
無春鳥避連雲幄魚驚遠浪塵如何當此節獨

自作愁人

贈棲白上人

閑身却不閑日日對天顏已任城中寺難歸海  
上山詩傳華夏外偈布市朝間欲問空門事空  
門豈有關

野步

閑賞步易遠野吟聲自高路無人到跡林有鶴  
遺毛物外趣都別塵中心枉勞沿溪收墮果坐  
石喚飢猿

過湍溝谷

西去窮胡處崑崙境不常石形相對聳天勢一條長棧底鳴流水林端歛夕陽雖隨兵馬至未免畏豺狼

送人遊蜀

一本無友字

巴興千萬岑此去若爲心蟋蟀既將定獼猴應正吟劍門秋斷鴈褒谷夜多砧自古西南路艱難直至今

題秦州城

聖澤滋遐徼河隄四向通大荒收虜帳遺土復秦風亂燒迷歸路遙山似夢中此時懷感切極

目思無窮

寄敬亭山清越上人

南朝山半寺謝朓故鄉鄰嶺土非無主秋詩復有人高禪星月近野火虎狼馴舊許陪閑社終應待此身

秋江霽望

高秋偏入望霽景倍關情落木滿江水離人懷渭城山高孤戍斷野極暮天平漁父時相問羞真道姓名

隴州旅中書事寄李中丞

三伏客吟過長安未擬還蛩聲秋不動燕別思  
仍閑亂葉隨寒雨孤蟬起暮關經時高嶺外來  
徃旆旌間

秋日歸舊山

入雲蟬滿樹欲住更何安上國迴將晚孤峰別  
自難磧遙鴻未到江近夜先寒泉石雖堪戀行  
人不願看

下黃耳盤

獨下黃盤路多虞部落連雲晴仍著地樹古自  
參天亂鳥飛人上驚麋起馬前行行無郡邑唯

見虎狼煙

旅懷

終年唯旅舍只似已無家白髮除還出丹霄去  
轉賒夏遊窮塞路春醉負秦花應是穹蒼意空  
教老若耶

題金山寺

四面波濤匝中樓日月鄰上窮如出世下瞰忽  
驚神刹一作塔礙長空鳥船通外國人房房皆疊石  
風掃永無塵

送王侍御赴宣城

朝迴離九陌島外賞殘春經宿留閑客看雲作  
主人時清難議隱位重亦甘貧巖洞真仙境應  
休別卧鄰

題汧湖二首

偶得湖中趣都忘隴坻愁邊聲風下鴈楚思浪  
移舟靜極亭連寺涼多島近樓吟遊終不厭還  
似曲江頭

隴首時無事湖邊日縱吟遊魚來復去浴鳥出  
還沉蜃氣藏孤嶼波光到遠林無人見垂釣暗  
起洞庭心

宿青山館

下馬青山下無言有所思雲藏李白墓苔暗謝  
公詩烈燒飛荒野棲鳧宿廣陂東來與西去皆  
是不閑時

宿同州厲評事舊業寄華下

從戎依遠地無日見家山地近風沙處城當甸  
服間阻河通渭水曲苑帶秦關待月登樓夜何  
人相伴閑

聞蟬十二韻

造化生微物常能應候鳴初離何處樹又發去

年聲未蛻唯愁動

一作微能動

纔飛似解驚聞來鄰海

微恨起過邊城騷屑隨風遠悠揚類雪輕報秋

涼漸至嘶月思偏清互默疑相荅微搖似欲行

繁音人已厭朽殼蟻猶爭朝士嚴冠飾宮嬪逞

鬢名亂依西日噪多引北歸情篠露疑潛吸蛛

絲忽迸縈此時吟立者

一作聽久

不覺萬秋心生

一作萬緒一時生

冬杪歸陵陽別業五首

無媒歸別業所向自乖心閭里故人少田園荒  
草深浪翻全失岸竹迸別成林鷗鳥猶相識時  
來聽苦吟

眠雲終未遂策馬暫休期上國勞魂夢中心甚

別離冰封巖溜斷雪壓砌松欹骨肉嗟名晚看

歸却淚垂

學劍雖無術吟詩似有魔已貧甘事晚臨老愛

閑多雞犬唯隨鹿兒童只衣蓑時因尋野叟狂

醉復狂歌

鄉國亂離後文親半旅遊遠聞誠可念歸見豈

無愁敗葦迷荒徑寒莎沒壞舟衡門終不掩倚

杖看波流

遊秦復滯燕不覺近衰年旅貌同柴毀行衣對



骨穿籬寒多啄雀木落斷浮煙楚夜聞鳴鴈猶  
疑在塞天

送王侍御赴宣城

一作赴  
越城令

戴豸却驅雞東南上句溪路過金谷外帆轉石  
城西水樹連天暗山禽繞郡啼江人諳舊化那  
復俟招攜

春日烏延道中

邊窮厄未窮復此逐歸鴻去路多相似行人半  
不同山川藏北狄草木背東風已負男兒志無  
因立戰功

寄華陰劉拾遺

堅心持諫諍自古亦艱難寄邑雖行化眠雲似  
去官河分中野斷岳入半天寒瀑布冰成日誰  
陪吟復看

憶江南

南楚西秦遠名遲別歲深欲歸難遂去閑憶自  
成吟雷電閑傾雨猿猱鬪墮林眠雲機尚在未  
忍負初心

送前汝州李侍御罷歸宣城二首

吟詩早得名戴豸又加榮下國閑歸去他久少

此情雲移寒嶠出燒夾夜江明重引池塘思還

登謝朓城

一作送前汝州李侍御罷歸宣城第二首一作塞下曲

獨夜長城下孤吟近北辰半天初去鷹窮磧遠  
來人月黯氛埃積風羶帳幙鄰唯聞防虜寇不  
語暗傷神

送裴拾遺宰下邳

一作赴  
畿令

受謫因廷諫茲一作東行不出關直廬辭玉陛上馬

向一作過仙山地古桑麻廣城偏僕御閑縣齋高枕

卧猶夢犯天顏

隗囂宮晚望

西顧伊蘭近方驚滯極邊水隨空谷轉山向夕  
陽偏磧鳥多依地胡雲不滿天秋風動衰草只  
覺犬羊羶

江上行

片席隨高鳥連天積浪間葦寬雲不匝風廣雨  
無閑戍影臨孤浦潮痕在半山東一作秦原歸未得  
荏苒滯江關

登山

信步上鳥道不知身忽高近空一作雲無世界當楚  
見波濤頂峭松多瘦岬懸石盡牢獼猴呼獨散

隔水向人號

哭宣城元徵君

一作士

高眠終不起遠趣固難知  
琴劍今無主園林舊許誰  
苔封僧坐石葦漲鶴翹池  
後代傳青史方欽道德垂

寄建州姚員外

誣譖遭遐謫明君即自知  
鄉遥辭劍外身獨向天涯  
嶺堆蠻雲積閩空瘴雨垂  
南來終不遂日探北歸期

送厲校書從事鳳翔

赴辟依丞相超榮事豈同城  
池當隴右山水是關中日  
有來巴使秋高出塞鴻  
旬休隨大旆應到九成宮

春夜同厲文學先輩會宿

江漢久分路京關重聚吟  
更爲他夜約方盡昔年  
心月隔明河遠花藏宿  
鳥深無眠將及曙多是  
說山陰

長安書情

疎散過閑人同人不在秦  
近來驚白髮方解惜青  
春僻寺居將徧權門到  
絕因行藏如此背何

以謂謀身

過故洛城

七百數還窮城池一日空夕陽唯照草危堞不  
勝風岸斷河聲別田荒野色同去來皆過客何  
處問遺宮

寄廬山賈處士

時秦亦高眠人皆謂不然窮經休望辟餌亦止  
期仙彭蠡波涵月爐峰雪照天常聞風雨夜到  
曉在漁船

下第東歸留別鄭侍郎

無才副至公豈是命難通分合吟詩老家宜逐  
浪空別心懸闕下歸念極吳東唯畏重迴日初  
情恐不同

泗上早發

獨起無人見長淮夜泛時平蕪疑自動落月似  
相隨楚外離空早關西去已遲漁歌聞不絕却  
軫洞庭思

贈天台僧

赤城霞外寺不忘舊登年石上吟分海樓中語  
近天重遊空有夢再隱定無緣獨夜休行道星

辰靜照禪

冬夜與友人會宿

君初離鴈塞我久滯雕陰  
隔閨俱勞夢通宵各  
話心禁風吹漏出原樹  
映星沉白晝常多事無  
妨到曉吟

送元遂上人歸吳中

落髮在王畿承恩著紫衣  
印心誰受請講疏自  
攜歸泛浦龍驚錫禪雲  
虎繞扉吳中知久別菴  
樹想成圍

贈志空禪師

了了在中南宗與北宗  
行高無外染骨瘦是  
真容飯野盂埋雪禪雲  
杖倚松常脩不住性必  
擬老何峰

邊城晚望

廣漠杳無窮孤城四面空  
鳥行高磧上日墮迴  
沙中逼曉人移帳當川樹  
列風迢迢河外路知  
直去崆峒

汴上暮秋

獨立長堤上西風滿客衣  
日臨秋草廣山接遠  
天微岸葉隨波盡沙雲與  
鳥飛秦城寧有素去

意自知歸

春日言懷

東風萬物新獨未到幽人賦命自多蹇陽和非  
不均五陵三月暮百越一家貧早誤閑眠處無  
愁異此身

奉天寒食書事

處處無煙火人家似暫空曉陵花落雨寒谷鳥  
啼風故里芳洲外殘春甸服中誰知獨西去步  
步泣途窮

長安寓居

貧寄帝城居文朋日自疎愁迎離磧鴈夢逐出  
關書經雨蟬聲盡兼風杵韻餘誰知江徼塞所  
憶在樵漁

寫懷

此生居此世堪笑復堪悲在處有岐路何人無  
別離長當多難日愁過少年時窮達都判了休  
閑鐻白髭

白菊

所尚雪霜姿非關落帽期香飄風外別影到月  
中疑發在林凋後繁當露冷時人間稀有此自

古乃無詩

中秋夜對月

月月勢皆圓中秋朗最偏萬方期一夕到曉是  
經年影蔽星芒盡光分物狀全唯應苦吟者目  
斷向遙天

陪郢州張員外宴白雪樓

高樓日日閑多宴雪樓間灑檻江干雨當筵天  
際山帶帆分浪色駐樂話朝班豈料羈浮者樽  
前得解顏

和薛侍御題興善寺松

何年斲到城滿國響高名半寺陰常匝鄰坊景  
亦清代多無朽勢風定有餘聲自得天然狀非  
同澗底生

題鄭侍郎巖隱十韻

朝退常歸隱真脩大隱情園林應得趣巖谷自  
爲名野步難尋寺閑吟少在城樹藏幽洞黑花  
照遠村明海石分湖路風泉遶雨聲性高憐散  
逸官達厭公卿架引藤重長階延笋迸生青門  
無到客紫閣有來鶯物外身雖隱區中望本清  
終難依此境坐一作堅卧避鈞衡

宿靈山蘭若

江心天半寺一夕萬緣空地出浮雲上星搖積  
浪中滴漚垂閣雨吹檜送帆風日暮聞清磬唯  
應是釣翁

親仁里雙鷺

雙去雙來日已頻只應知我是江人對歌雪頂  
思尋水更振霜翎恐染塵三楚幾時初失侶五  
陵何樹又棲身天然不與凡禽類傍砌聽吟性  
自馴

成紀書事二首

東吳遠別客西秦懷舊傷時暗灑巾滿野多成  
無主冢防邊半是異鄉人山河再濶千餘里城  
市曾經一百春閑與將軍議戎事伊蘭猶未絕  
胡塵

蹉跎遠入犬羊中荏苒將成白首翁三楚田園  
歸未得五原岐路去無窮天垂大野鷗盤草月  
落孤城角嘯風難問開元向前事依稀猶認隗  
囂宮

秦中遇友人

半生南走復西馳愁過楊朱罷泣岐遠夢亦羞



歸海徼貧遊多是帶邊陲胡雲不聚風無定隴  
路難行棧更危旦暮唯聞語征戰看看已欲廢  
吟詩

過分水嶺

隴山高共鳥行齊瞰險盤空甚躡梯雲勢崩騰  
時向背水聲嗚咽若東西風兼雨氣吹人面石  
帶冰稜礙馬蹄此去秦川無別路斷嵯窮谷却  
難迷

講德陳情上淮南李僕射八首

天降賢臣佐聖時自然聲教滿華夷英明不獨

中朝仰清重兼聞外國知涼院酒醒多對月曉  
庭公退半吟詩梁城東下雖經戰風俗猶傳守  
舊規

多朝軒冕冠乾坤四海皆推聖最尊楚玉已曾  
分卞玉膺門依舊是龍門筵開樂振高雲動城  
掩輦收落日昏常念蒼生如赤子九州無處不  
沾恩

未領春闈望早清況聯戎闡控強兵風威徧布  
江山靜教化高同日月明九郡競歌兼煮海四  
方皆得共和羨東南自此全無事只爲暮年政

已成

帝念淮堧疫疹頻牢籠山海委名臣古來比德  
由無侶當代同途豈有人夜宴獨吟梁苑月朝  
遊重見廣陵春多年疲瘵全蘇息須到謳謠日  
滿秦

三紀吟詩望一名丹青待得白頭成已期到老  
還沾祿無復偷寒却養生當宴每垂聽樂淚望  
雲長起憶山情朱門舊是登龍客初脫魚鱗膽  
尚驚

東來淮海拜旌旗不把公卿一字書曾侍晚齋

吟對雪又容華館食兼魚孤微自省恩非次際  
會誰知分有餘唯耻舊橋題處在榮歸無計似  
相如

平生南北逐蓬飄待得名成鬢已凋寒浦一從  
拋釣艇舊林無處認風颺程途雖喜關河盡時  
節猶驚骨肉遥愁策羸蹄更歸去亂山流水滿  
翻潮

丹青空把桂枝歸白首依前著布衣當路公卿  
誰見待故鄉親愛自疑非東風乍喜還滄海栖  
旅終愁出翠微應念無媒居選限二年須更守

漁磯

獻獨孤尚書

虛拋南楚滯西秦  
白首依前衣白身  
退鷁已經三十載  
登龍曾見一千人  
魂離爲役詩篇苦  
淚竭緣嗟骨相貧  
今日鞠躬高旆下  
欲傾肝膽杏無因

將過單于

荒磧連天堡戍稀  
日憂蕃寇却忘機  
江山不到處皆到  
隴鴈已歸時一作身  
未歸行李亦須攜  
戰器趨迎當使著  
戎衣并州去路殊  
迢遞風雨何當

達近畿

貞女祠

向穴藏貞骨  
荒祠見舊顏  
精靈應自在  
雲雨不相關  
落石泉多咽  
無風樹盡閑  
唯疑千古後  
爲瑞向人間

宿華山

異境良難測  
非仙豈合遊  
星辰方滿岳  
風雨忽移洲  
噴月泉垂壁  
棲松鶴在樓  
因知脩養處  
必在嵩丘

送張貞外西川從事

爲郎不入朝自是赴嘉招豸角初離首金章已  
在腰劍橫陰綠野棧響近丹青迎驛應相續懸  
秋去路遙

題慈恩寺元遂上人院

竹檻匝迴廊城中似外方月雲開作片枝鳥立  
成行徑接河源潤庭容塔影涼天台頻去說誰  
占最高房

送杜倉曹往滄州觀叔常侍

浮陽橫巨浸南巷擁旌旃別帶秦城雨行聞魏  
國蟬磧鴻來每後朝日見常先東一作北鄙雲霞廣

高林間

一作高秋媚

水天

雕陰道中作

五月綏州北途程少鬱蒸馬依羶草聚人抱濁  
河澄邊人多以囊抱水蹟固長城壘寃深太子陵往來經  
此地悲苦有誰能

留別從弟柳

一作琳

同承太嶽侑俱值太平時丹陛懷趨計滄州負  
去期久貧成蹭蹬多病惜支離宗分兼文分吾  
知汝亦知

尋山

躡履復支筇深山草木中隔溪遙避虎當塢忽  
聞鐘落葉多相似幽禽半不同羣猿呼却散如  
此異林翁

送徐侍御充南詔判官

西去安夷落乘輶從節行彤庭傳聖旨異域化  
戎情瘴路窮巴徼蠻川過嶠城地偏風自雜天  
漏日稀明危棧連空動長江到底清笑宜防狒  
狒言好聽猩猩撫論如敦行歸情自合盟迴期  
佩印綬何更見新正

送省玄上人歸江東

釋律周儒禮嚴持用戒身安禪思剡石留偈別  
都人雨合吳江黑潮移海路新餅盃自此去應  
不更還秦

送劉校書遊東魯

內閣勞讐校東邦忽縱遊才偏精一雅分合遇  
諸侯暗海龜蒙雨連空趙魏秋如經麟見處駐  
馬瞰荒丘

送金侍御奉使日東

還鄉兼作使到日倍榮親向化雖多國如君有  
幾人孤山無返照積水合蒼旻膝下知難任金

章已繫身

題甘露寺

丹檻拂丹青人寰下瞰遙何年增造化萬古出  
塵囂地勢盤三楚江聲換幾朝滿欄皆異藥到  
頂盡飛橋澤廣方雲夢山孤數沃焦中宵霞始  
散經臘木稀凋鐸動天風度窻明海氣消帶輦  
分迴堞當日辨翻潮鳥去沉葭蒹帆來映沈寥  
浮生自多事無計免迴鑣

冬夜懷真里友人會宿

靜語與高吟搜神又爽心各來依帝里相對似

山陰漏永星河沒堂寒月彩深從容不易到莫  
惜曙鐘侵

陪友人夏夜對月

後伏中宵月高秋滿魄齊輪移仙掌外影下玉  
繩西蟬雀飛多誤星螢出自迷煩蒸驚頓絕吟  
翫悵聞雞

送從弟籌任告成尉

海上從戎罷嵩陽佐縣初故人皆美去吾祖舊  
曾居地古多生藥溪靈不聚魚唯應尋隱者閑  
寺講仙書

秋日陪陸校書遊玉泉

共愛泉源異類來不覺勞散光垂草細繁響出  
風高沫滯潭花片沙遺浴鳥毛塵間喧與悶須  
向此中逃

送防州鄔員外

千溪與萬嶂繚繞復崢嶸太守勞車馬何從駐  
旆旌椒香近滿郭漆貨遠通京唯滌雙塵耳東  
南聽政聲

過穆陵關

荒關無守吏亦耻白衣過地廣人耕絕天寒鴈

卜多東西方自感雨雪更相和日暮聊攄思搖  
鞭一放歌

江上遇友人

闕下分離日杏園花半開江邊相值夜榆塞鴈  
初來坐久河沉斗吟長月浸盃鱸魚非不戀共  
有客塵催

憶宛陵舊居

舊憶陵陽北林園近板橋江晴帆影滿野迴鶴  
聲遙島徑通山市汀扉上海潮秦城歸去夢夜  
夜到漁樵

題聞琴館

城非宓賤邑館亦号聞琴乃是前賢意常留化  
俗心代公存綠綺誰更繼清音此跡應無改寥  
寥畢古今

寄江上弟妹

無成歸未得不是不謀歸垂老登雲路猶勝守  
釣磯大荒身去數窮海信來稀孤立皆難進非  
關命獨違

題李昌符豐樂幽居

詩家依闕下野景似山中蘭菊俱含露杉梧爲

奏風破門韋曲對淺岸御溝通莫歎連年屈君  
須遇至公

青山晚望

昔人懷感處此地倍魂銷四海經搖落二吳正  
寂寥風移殘燒遠帆帶夕陽遙欲繼前賢跡誰  
能似隱招

宣城送進士鄭徽赴舉

長安去是歸上馬肯霑衣水國車通少秦人禁  
薦稀鴻方離北鄙葉已下西畿好整丹青步知  
音在紫微



言懷

萬事不關心終朝但苦吟久貧慙負債漸老愛  
山深日月銷天外帆檣棄海陰榮枯應已定無  
復繫浮沉

汴河十二韻

昔年開汴水元應別有由或兼通楚塞寧獨爲  
揚州直斷平蕪色橫分積石流所思千里便豈  
計萬方憂首甚資功濟終難弭宴遊空懷龍舸  
下不見錦帆收浪倒長汀柳風歌遠岸樓奔逾  
懷許竭澄徹泗濱休路要多行客魚稀少釣舟  
日開天際晚鴈合磧西秋一派注滄海幾人生  
白頭常期身事畢於此詠東浮

旅中送人歸九華

分與仙山背多年負翠微無因隨鹿去只是送人歸  
爽化集摩日根嵐曉潤衣會於猿鳥外相對掩高扉

送友人歸江南

皇州五更鼓月落西南維此時有行客別我孤舟歸  
上國身無主下第誠可悲

洞庭湖

空江浩蕩景蕭然盡日孤蒲泊釣船青草高浪三月

渡綠楊花撲一溪煙晴多莫舉傷春日愁極兼無買  
酒錢猶有漁人數家住不成村落夕陽邊

曉嶂猿窺戶寒湫鹿臥冰當寺月到晚坐看山以

見化十年三領郡領郡管仙山贈段成

校李鈔本補詩三首乙卯冬五日傳增補記

曹從事詩集

桂州曹唐堯賓

昇平詞五首

瑞氣遶宮樓皇居上苑游遠岡連聖祚平地載  
神州會合兼重譯潺湲近八流中興豈假問據  
此自千秋

寥沈敞延英朝班立位橫宣傳無草動拜舞有  
衣聲鴛瓦霜消濕蟲絲日照明辛勤自不到送  
見似前程

處處是歡心時康歲已深不同三尺劍應似五

絃琴壽笑山猶盡明嫌日有陰何當憐一物亦  
遣斷愁吟

日日聽歌謠區中盡祝堯蟲蝗初不害夷狄近  
全銷史筆唯書瑞天臺絕見妖因令匹夫志轉  
欲事清朝

五帝三皇主蕭曹魏邴臣文章唯返朴戈甲盡  
生塵諫紙應無用朝綱自有倫昇平不可記所  
見是閑人

二

洛東蘭若夜歸

一衲老禪床吾生半異鄉管絃愁裏老書劍夢

中忙鳥急山初暝蟬稀樹正涼又歸何處去塵  
路月蒼蒼

一

仙都即景

黃帝登真處青青不記年孤峯應礙日一柱自  
擎天石怪長棲鶴雲閑若有仙鼎湖看不見零  
落數枝蓮

二

漢武帝將候西王母下降

以後十七首題前  
一作大游仙

崑崙凝想最高峯王母來乘五色龍歌聽紫鸞  
猶縹緲語來青鳥許從容風迴水落三清月漏  
苦霜傳五夜鐘樹影悠悠花悄悄若聞簫管是

行蹤

漢武帝於宮中宴西王母

鰲岫雲低太一壇武皇齋潔不勝懽長生碧字  
一作期親署延壽丹泉許細看劍佩有聲宮樹靜  
星河無影禁花寒秋風裊裊月朗朗玉女清歌  
一夜闌

劉晨阮肇遊天台

樹入天台石路新細雲和草一作細雲迴無塵煙霞不  
是一作生前事水木空疑夢後一作身往往雞鳴巖  
下月時時犬吠洞中春不知何一作地歸依一作處

須就桃源問主人

劉阮洞中遇一作仙子

天和樹色靄蒼蒼霞重嵐深路渺茫雲竇一作實一作華  
滿山無鳥雀水聲沿澗有笙簧碧沙洞裏軋坤  
別紅樹枝前日月長願得花間有人出免一作令  
仙犬吠劉郎

仙子送劉阮出洞

殷勤相送出天台仙境那能却再來雲液既歸  
須強飲玉書無事莫頻開花當洞口應長在水  
到人間定不迴惆悵溪頭從此別碧山明月照

蒼苔

二六 仙子洞中有懷劉郎

不將清瑟理霓裳塵夢那知鶴夢長洞裏有天  
春寂寂人間無路月茫茫玉沙瑤草連溪碧流  
水桃花滿澗香曉露風燈零落盡此生無處訪  
劉郎

二七 劉阮再到天台不復見仙子

再到天台訪玉真青苔白石已成塵笙歌冥冥  
閑深洞雲鶴蕭條絕舊鄰草樹總非前度色煙  
霞不似昔年春桃花流水依然在不見當時勸

酒人

二八 織女懷牛郎

北斗佳人雙淚流眼穿腸斷為牽牛封題錦字  
凝新恨拋擲金梭織一作舊愁桂樹三春天一作煙雲一作  
漠漠銀河一水夜吳華作悠悠欲將心向一作仙郎說

借問榆花早晚秋

二九 王遠宴麻姑蔡經宅

好風吹樹杏花香花下真人道姓王大篆龍虵  
隨筆札小天星斗滿衣裳閑拋南極歸期晚笑  
指東溟飲興長要喚麻姑同一醉使人沽酒向

下作餘杭

二十一 萼綠華將歸九疑留別許真人

九點秋煙黛色空綠華歸思頗無窮每悲馭鶴  
身難任疑作長恨臨霞語未終河影暗吹雲夢月

花聲閑落洞庭風藍絲重勒金條脫留與人間

許侍中

二十二 穆王宴王母於九光流霞館

桑葉扶踈閉日華穆王邀命宴流霞霓旌著地  
雲初駐金奏掀天月欲斜歌咽細風吹粉藥一作

飲餘一作清露濕瑤砂不知白馬紅韁解偷喫東

田碧玉花

二十三 紫河張休真

琪樹扶踈歷瑞煙玉皇朝客滿花前山川到處  
成三月絲竹經時即萬年樹石冥茫初縮地盃  
盤狼籍未朝天東風小飲人皆醉從聽黃龍枕

一作拋水眠

二十七 張碩重寄杜蘭香

碧落香銷蘭露秋星河無夢夜悠悠靈妃不降

三清駕仙鶴空成萬古愁皓月隔花追歎別瑞

飛一作煙籠樹省淹留人間何一作事堪惆悵一作遺恨海色

西風十二樓

二九 玉女杜蘭香下嫁於張碩

天上人間兩渺茫不知誰識一作家杜蘭香來經玉

樹三山遠去隔銀河一水長怨入清塵愁錦瑟

酒傾玄露醉瑤觴遺情更說何珍重擘破雲鬟

金鳳皇

二四 簫史攜弄玉上昇一作宋邕詩

豈是丹臺歸路遙紫鸞煙駕不同飄一聲洛水

傳幽咽萬片宮花共寂寥紅粉美人愁未散清

華公子笑相邀緱山碧樹青樓月腸斷春風為

玉簫

二五 皇初平將入金華山

莫道真遊煙景賒瀟湘有路入金華溪頭鶴樹

春常在洞口人家一作日易斜一水暗鳴一作閑

遶澗五雲長往不還家白羊成隊難收拾喫盡

溪邊巨勝花

二六 漢武帝思李夫人

惆悵朱一作米顏不復歸晚秋黃葉滿天飛迎風細

荇傳香粉隔水殘霞見畫衣白玉帳寒鴛鴦夢絕

紫陽宮遠鴈書稀夜深池上蘭橈歇斷續歌聲

接一作徹一作太微

一四 送羽人王錫歸羅浮

風前整頓紫荷集作霞巾常集作歸向羅浮保集作報養神

石磴倚天行帶月鐵橋通海入無塵一作津龍虵出

洞閑邀雨犀象眠花不避人最愛葛洪尋藥處

露苗煙藥一作雨滿山春

一三 送劉尊師祇詔闕庭三首

海風葉葉駕霓旌天路悠悠接上清錦誥淒涼

遺去恨玉簫哀絕醉離情五湖夜月幡幢濕雙

闕清風劍佩輕從此集作莫道暫辭華表柱更集作應

千載是歸程

五峯已集作此別隔人間雙闕何年許再還既掃集作排

山川收地脉須留日月駐天顏霞觴共飲身雖

在風馭集作難陪跡集作路未閑從此枕中唯集作雖有

夢一作記夢魂何處訪三山

仙老閑眠碧草堂帝書徵入白雲鄉龜臺欲署

長生籍鸞殿邀論不死方莖露想傾延命酒素

煙思熟降真香五千言外無文字更有何詞贈

武皇

一四 三年冬大禮五首



皇帝齋心潔素誠自朝真祖報升平華山秋草  
多歸馬滄海寒波絕洗兵銀箭水殘河勢一作影斷  
玉爐煙盡日一作影華生千官整肅三天夜劍珮初聞

入太清

海日西飛度渡禁林太清宮殿月沉沉不聞北斗

傾堯酒空覺南風入舜琴歌歷鈞天閑夢盡詔

歸秋水道情深雪風更起古杉葉時送步虛清

磬音

太一天壇降紫君屬車龍鶴夜成群一作星春浮玉藻

寒初落露拂金莖曙欲分三代樂迴風入律四

溟歌駐水成文千官不動旌旗下日照南山萬  
樹雲

山擁飛雲海水清天壇未夕仗先成千官不起

金滕議萬國空瞻玉藻聲禁火曙然煙焰一作香裊宮

衣寒拂雪花輕側聞左右皆周呂一作呂看取從容

致太平

太和琴琴暖發南薰水闊風高得細聞滄海舉歌

夔是相歷山迴禪舜為君翠微呼處生丹障清

淨封中起白雲今日病身慙小隱欲將泉石勒

移文此首題一作琴暖

一十五 暮春戲贈吳端公

年少英雄好丈夫大家望拜執一作執紀金吾閑眠

曉日聽鶗鴂笑倚春風仗紀事轆轤深院吹笙聞作杖

紀事漢婢靜街調馬任奚奴牡丹花下紀事簾鈎外作外

紀事獨凭紅肌一作捋虎鬚作正

一十六 奉送嚴大夫再領容府二首

海風捲樹凍嵐消憂國寧辭嶺外遙自顧勤勞

甘百戰不將功業負三朝劍澄黑水曾芟虎箭

劈黃雲慣射鵬代北天南盡成事肯將心許霍

嫖姚

日落雙旌射火山

嶺表錄云梧州西有火山下有澄潭無底山頭夜見火三尺如野燒然廣十餘丈或言水

中有寶珠也焰如火山產荔枝笑迎賓從却南還風雲暗

四月子丹以其地熱故曰火山發談諧外感會潛生氣槩間蘄竹水翻臺榭濕

刺桐花落管絃閑無因得鞞真珠履親從新侯

定八蠻

一十七 贈南嶽馮處士二首

白石溪邊自結廬風泉滿院稱幽居鳥啼深樹

鬪靈藥花落閑窓看道書煙嵐晚過鹿裘濕水

月夜明山舍虛支頤冷笑緣名出終日王門強

曳裾二

曹從善詩  
九  
寂寥深木閑煙霞洞裏相知有幾家笑看潭魚  
吹水沫醉嗔溪鹿喫蕉花穿厨歷歷泉聲細繞  
屋悠悠樹影斜夜靜著灰封釜竈自添文武養  
丹砂

一九

題子姪書院雙松

自種雙松費幾錢頓令院落似秋天能藏此地  
新晴雨却惹空山舊燒煙枝歷細風過枕上影  
籠殘月到窓前莫教取次成閑夢使汝悠悠十  
八年

二十

羽林賈中丞

四十年前百戰身曾驅虎隊掃邊塵風悲鼓角  
榆關暮日暖射旌旗隴草春鐵馬慣牽邀上客金  
魚多解乞佳人胸中別有安邊計誰睬髭鬚白  
似銀

二十一

送康祭酒赴輪臺

灞水橋邊酒一杯送君千里赴輪臺霜黏海眼  
旗聲凍風射犀文甲縫開斷磧簇煙山似米野  
營軒地鼓如雷分明會得將軍意不斬樓蘭不  
擬迴

二十二

南遊

盡興南遊卒未迴水工舟子不須催政思碧樹  
關心句難放紅螺蘸甲杯漲海潮生陰火滅蒼  
梧風暖瘴雲開蘆花寂寂月如練何處笛聲江  
上來

一三 哭陷邊許兵馬使

北風裂地黯邊霜戰敗桑乾日色黃故國暗迴  
殘士卒新墳空葬舊衣裳散牽細馬嘶青草任  
去佳人弔白楊除却陰符與兵法更無一物在

儀牀儀牀供靈之几筵也

一六 和周侍御買劍

將軍溢價買吳鉤要與中原靜寇讎試掛窓前  
驚電轉略拋床下怕泉流青天露拔雲霓泣黑  
地潛驚鬼魅愁見說夜深星斗畔等閑期尅月  
支頭

一五 病馬五首呈鄭校書章三吳十五先輩

駮駟一作綠耳何年別一作到渥洼病來顏色半泥一作塵沙四

蹄不鑿金紀事作銀砧裂雙眼慵開玉筋紀事作燭斜墮月

兔毛乾殼赫紀事作輕薺失雲龍骨瘦牙槎一作查牙平原好

牧紀事作放無人放嘶向秋風苜蓿花

隴上沙葱葉正齊騰黃猶自踟羸蹄尾蟠夜雨

紅絲脆頭一作掉秋風白練低力憊未思金絡腦

影寒空望錦障泥階前莫怪垂雙淚不遇孫陽

不敢嘶又玄集作階前莫錯雙垂耳不遇孫陽不用嘶

不剪焦毛鬣半翻何人別一作識是古龍孫風吹雷一作華侵

作風病骨無驕氣土蝕驄花見卧痕未噴斷一作得噴雲

歸漢苑曾追輕一作已練過吳門一朝千里心猶在

誰肯潛施一作秣飼恩

空被秋風吹病毛無因濯浪刷洪濤卧來總怪

龍蹄跂瘦盡誰驚虎口高追電有心猶款一作款段逢

人相骨強嘶號欲將鬢一作鬢重裁剪乞借新成利

鉸刀

病久無人著意看玉華衫一作毛色欲凋殘飲驚白

露泉花冷喫怕清楓一作楓豈葉寒長檐敢辭紅錦里

舊韁寧畏紫絲蟠王良若許相擡策千里追風

也不難

長安客舍懷邵陵宴寄永州蕭使君五

首

邵陵佳樹碧一作樓閣樹葱蘢河漢西沉一作星流宴未終殘

漏五更傳一作海月清笳三會揭天風香薰舞席

雲鬟綠光射頭一作盤蠟燭紅今日却懷一作思行樂

處兩床絲竹水一作樓中四

不知何路却一作飛翻虛受賢侯鄭重恩一作夜

清歌敲玉樹一作三年洪飲倒一作金尊招攜一作永一作每

感雙魚在一作報荅空知一作一劍存狼籍梨花滿

城月當時長醉信陵門五

粉堞一作軒畫障西水雲紅樹翠璇題鷓鴣欲

絕歌聲定鸚鵡初驚一作舞袖齊坐對玉山空難

不省非時一作未不似泥三旬線細聽金石怕低迷東風夜月一作三年飲

木魚金鑰鎖一作城夜上紅一作樓縱酒一作情竹

葉一作水繁更漏促一作桐花風軟管絃清百分散

打銀船溢十指寬催玉筯輕星斗漸稀賓客散

醉碧雲猶戀艷歌聲

三年身逐漢諸一作侯賓榻容居最上頭飽聽笙

歌陪痛一作飲熟尋雲水一作縱閑遊朱門鎖閉煙

嵐暮鈴一作閣清冷一作水木秋月滿前山圓一作不

動更邀詩客上高一作樓二

勗劍

古物神光雪見羞未能攀出恐泉流暗臨黑水

蛟螭泣潛倚空山鬼魅愁生怕雷霆號澗底長

聞風雨在牀頭垂情不用將  
此移切別氣惱亂司  
空犯斗牛

二十六

仙都即景

蟠桃花老華陽東軒后登真謝六宮旌節暗迎  
歸碧落笙歌遙聽隔崆峒衣冠留葬橋山月劍  
履將隨浪海風看却龍髯攀不得紅霞零落鼎  
湖空

小遊仙詩九十八首

玉簫金瑟發商聲桑葉枯乾海水清淨掃蓬萊  
山下路上地一作地略邀王母話長生

此下為第三卷

此首統載不載而題重複或  
係別人之作詞不詳如屬可刪

上元元日豁明堂五帝空拜玉皇萬樹琪花  
千圃藥心知不敢輒形相

騎龍重過玉溪頭紅葉還春碧水流省得壺中  
見天地壺中天地不曾秋

真王未許久從容立在花前別甯封手把玉簫  
頭不舉自愁如醉倚黃龍

金殿無人鎖絳煙玉郎並不賞丹田白龍蹀躞  
難迴跋爭下紅綃碧玉鞭

玄洲草木不知黃甲子初開浩劫長無限萬年  
年少女手攀紅樹滿殘陽

宮闕重重閉玉林崑崙高闕彩雲深黃龍掉尾  
引郎去使妾月明何處尋

風滿塗山玉蘂一作葉稀赤龍閑卧鶴東一作閑飛紫梨

爛盡無人喫何事韓一作蘇君去不歸

武帝徒勞厭暮年不曾清淨不精專上元少女  
絕還往滿竈丹成白玉煙

百辟朝回閉玉除露風清宴桂花踈西歸使者  
騎金虎鞞鞞垂鞭唱步虛

南斗闌珊北斗稀茅君夜著紫霞衣朝騎白一作獨  
鹿趁朝去鳳押笙歌逐一作隨後飛

焚香獨自上天壇桂樹風吹玉簡寒長怕嵇康

乏仙骨與將仙籍再尋看

水屋朱扉曉未開誰將金策扣瓊臺碧花紅尾  
小仙犬閑吠五雲嗔客來

酒釀一作艷春濃瓊一作瑶草齊真公欲一作飲散醉如泥朱

輪軋軋入雲去行到半天聞馬嘶  
白石山中自有天竹花藤葉隔一作滿溪煙朝來洞

口一作裏圍碁了賭得青龍直幾錢

海水西飛照柏林青雲斜倚錦雲深水風暗入  
古山葉吹斷步虛清磬音



玉詔新除沈侍郎便分茅土鎮東方不知今夕  
游何處侍從皆騎白鳳凰

洞裏煙霞無歇時洞中天地足金芝月明明朗  
溪頭樹白髮老人相對碁

飢即餐霞悶即行一聲長嘯萬山青穿花渡水  
來一作能相訪珍重多才阮步兵

東妃閑著翠霞裙自領笙歌出五雲清思密談  
誰第一不過邀取小茅君

月影悠悠秋樹明露吹犀簟象床輕嬪妃久立  
帳門外暗笑夫人推酒聲

九天天路入雲長燕使何由到上方玉女暗來  
花下立手按裙帶問昭王

玉皇賜妾紫衣裳交向桃源嫁阮郎爛煮瓊花  
勸君喫恐君毛鬢暗成霜

花底休傾綠玉卮雲中含笑向安期窮陽有數  
不知數大是人間年少兒

玉色雌龍金絡頭真妃騎出縱閑遊崑崙山上  
桃花底一曲商歌天地秋

懶一作來來洞口訪一作劉君緩步輕擡玉線一作綠綉裙細

猶一作旋擘桃花擲流水更無言語倚彤雲

西漢夫人下太虛九霞裙幅五雲輿欲將珀石字  
相教示自解盤囊出素書

天上雞鳴海日紅青腰侍女掃朱宮洗花烝葉  
瀘清酒待與夫人邀五翁

汗漫真遊實可竒人間天上幾人知周王不信  
長生話空使萇弘碧淚垂

青錦縫裳綠一作白玉璫一作玉璫滿身新帶五雲香閑依碧

海攀鸞駕笑就蘇君覓橘嘗

鶴不西飛龍不行露乾雲破洞簫清少年仙子  
說閑事遙隔彩雲聞笑聲

洞裏煙深木葉麤乘風使者降玄都隔花相見  
遙相賀擎出懷中赤玉符

芝蕙芸花爛漫春瑞香煙露濕衣巾玉童私地  
誇書札偷寫雲瑤暗贈人

天上邀來不肯來人間雙鶴又空回秦皇漢武  
死何處海畔紅桑花自開

紫羽麾幢下玉京却邀真母入三清白龍久住  
渾相戀斜倚祥雲不肯行

鶴叫風悲竹葉踈誰來五嶺拜雲輶人間肉馬  
無輕步踏破先生一卷書

夜降西壇宴已終花殘月榭霧朦朧誰遊八海  
門前過空洞一聲風雨中

忘却教人鎖後宮還丹失盡玉壺空嫦娥若不  
偷靈藥爭得長生在月中

暘谷先生下宴時月光初冷紫瓊枝淒清金石  
揭天地事在世間人不知

共愛初平住九霞焚香不出閉金華白羊成隊  
難收拾喫盡溪頭巨勝花

酒盡香殘夜欲分青童拜問紫陽君月光悄悄  
笙歌遠馬影龍聲歸五雲

海樹靈風吹彩煙丹陵朝客欲昇天無央公子  
停鸞轡笑泥嬌妃索玉鞭

八景風回五鳳車崑崙山上看桃花君若教使者  
沽春酒須覓餘杭阿母家

叔卿遍覽九天春不見人間故舊人怪得蓬萊  
山下水半成沙土半成塵

欲飲尊中雲母漿月明花裏合笙簧更教小奈  
將龍去便向金壇取阮郎

海上桃花千樹開麻姑一去不知來遼東老鶴  
應慵墮教探桑田便不回

昨夜相邀宴杏壇等閑乘醉走青鸞紅雲塞路  
東風緊吹破芙蓉碧玉冠

雲鶴冥冥去不分落花流水恨空存不知玉女  
無期信道與留門却閉門

采女平明受事回暗交丹契錦囊開欲書密語  
防人見佯喝青虬使莫來

太一元君昨夜過碧雲高髻綰婆娑手擡玉策  
紅於火敲斷金鸞使唱歌

碧瓦彤軒月殿開九天花落瑞風來玉皇欲著  
紅龍袞親喚金妃下手裁

長房自貴解飛翻五色雲中獨閉門看却桑田  
欲成海不知還往幾人存

赤龍一作紫雲停步彩雲飛共道真王一作皇海上歸千

歲紅桃一作干載桃花香破鼻玉盤盛出與金妃

碧海靈童夜到時徒勞相喚上瓊池因循天子  
能閑事縱與青龍不解騎

且欲留君飲桂漿九天無事莫推忙青龍舉步  
行千里休道蓬萊歸路長

侍女親擎玉酒卮滿卮傾酒勸安期等閑相別  
三千歲長憶水邊分棗時

萬歲蛾眉不解愁，旋彈清瑟旋閑遊。忽聞下界笙簫曲，斜倚紅鸞笑不休。

去住樓臺一任風，十三天洞暗相通。行厨侍女炊何物，滿竈無煙玉炭紅。

風動閑天清桂陰，水精簾外冷沉沉。西妃

少女多春思，斜倚彤雲盡日吟。

王母相留不放回，偶然沉醉卧瑤臺。憑君與向蕭郎道，教着青龍取妾來。

絳節笙歌繞殿飛，紫皇欲到五雲歸。細腰侍女瑤花外，爭向紅房報玉妃。

聞君新領八霞司，此別相逢是幾時。妾有一觥

雲母酒，請君終宴莫推辭。

方士飛軒駐碧霞，酒香風冷月初斜。不知誰

唱歸春曲，落盡溪頭白玉花。

方朔朝來到我家，欲將靈樹出丹霞。三千年後知誰在，擬種紅桃待放花。

水滿桑田白日沉，凍雲乾霰濕重陰。遼東歸客閑相過，因話堯年雪更深。

朝回相引看紅鸞，不覺風吹鶴鬣偏。好是興

來，騎白鶴，文妃爲伴上重天。

一作好見上清

一作鳥

一作旋驅旌節旋昇天

公子閑吟八景文花南拜別上陽君金鞭遙指  
玉清路龍影馬嘶歸五雲

一百年中是一春不教日月輒移輪金鰲頭上  
蓬萊殿唯有人間鍊骨人

笑擎雲液紫瑤觥共請雲和碧玉笙花下偶然  
吹一曲人間因識董雙成

東皇長女沒多年從洗金芝到水邊無事伴他  
碁一局等閑輸却賣花錢

紅草青林日半斜閑乘英華作隨小鳳出彤霞路一作略  
尋故舊過西谷國因得冰園一尺一作顯瓜

樹下星沉月欲高前溪水影濕龍毛洞天雲冷

玉一作五花發公子盡披雙錦袍

紫水風吹劍樹寒水邊年少下紅鸞未知百一  
窮陽數略請先生止的看

武皇含笑把金觥更請霓裳一兩聲護帳宮人  
最年少舞腰時挈繡裙輕

瓊樹扶踈歷瑞煙玉皇朝客滿花前東風小飲  
人皆醉短尾青龍枕水眠

彤閣鐘鳴碧鷺飛皇君催熨紫霞衣丹房玉女  
心慵甚貪看投壺不肯歸

崑崙山上自一作雞啼羽客爭昇碧玉梯因駕五  
龍看較藝白鷺功用不如妻

沙野先生閉玉虛焚香夜寫紫微書供承童子  
閑無事教剉瓊花餵白驢

雲隴瓊花滿地香碧沙紅水遍朱堂外人欲歷  
長生籍拜請飛瓊報玉皇

玉洞長春風景鮮丈人私宴就芝田笙歌暫向  
花間盡便是人間一萬年

青童傳語便須回報道麻姑玉蕊開滄海成塵  
老等閑事且乘龍鶴看花來

絳樹彤雲戶半開守花童子怪人來青牛卧地  
喫瓊草知道先生朝未回

石洞沙溪二十年向明梳枕日夜朝天白礬煙盡  
一作裏水銀冷不覺小龍牀下眠

紫微深鎖敞丹軒大帝親談不死門從此百寮  
俱拜後走龍鞭虎下崑崙

雲衫玉帶好威儀三洞真人入奏時頻着金鞭  
打龍角爲嗔西去上天遲

太子真娥相領行當天合曲玉簫清梨花新折  
東風軟猶在緱山樂笑聲

洞裏月明瓊樹風畫簾青室影朦朧香殘酒冷  
玉妃睡不覺七眞歸海中

青苑紅堂歷瑞雲月明閑宴九陽君不知昨夜  
誰先醉書破明霞八幅裙

東溟兩度作塵飛一萬年來會面稀千樹梨花  
百壺酒共君論飲莫論詩

酒  
滄海令拋即未能且緣鸞鶴立相仍蔡家新婦  
莫嫌少領取眞珠三五升

溪影沉沙樹影清人家皆踏五音行可憐三十  
六天路星月滿空瓊草青

北斗西風吹白榆穆公相笑夜投壺花前玉女  
來相問賭得青龍許贖無

九天王母皺蛾眉惆悵無言倚桂枝悔不長留  
穆天子任將妻妾住瑤池

暫隨鳧伯縱閑遊飲鹿因過翠水頭宮殿寂寥  
人不見碧花菱角滿潭秋

新授金書八素章玉皇教妾主扶桑與君一別  
三千歲却厭仙家日月長

八海風涼水影高上卿教製赤霜袍蛟絲玉線  
難裁割須借玉妃金剪刀



海上風來吹杏枝崑崙山上看花時紅龍錦襜  
黃金勒不是元君不得騎

絳闕夫人下北方細環清珮響丁當攀花笑入  
春風裏偷折紅桃寄阮郎

一五

題武陵洞四首

此生終使此身閑不是春時且要還寄語桃花  
與流水莫辭相送到人間

溪口回舟日已昏却聽雞犬隔前村殷勤重與  
秦人別莫使桃花閉洞門

却恐重來路不通殷勤回首謝春風白雞黃犬

不將去且寄桃花深洞中

桃花夾岸香何之花滿春山水去遲三宿武陵  
溪上月始知人世有秦時

又一首

見唐詩類苑

渡水傍山尋絕壁白雲飛處洞天開仙人來往  
行無跡石逕春風長綠苔

補遺

失題

見唐詩紀事

靖節先生幾代孫青娥曾接玉郎魂春風流水  
還無賴偷放桃花出洞門

校季滄葦鈔本次第相同朱華補四聯錄於左方

乙卯十一月十八日增湘記

曹從事詩集

斬蛟青海上射虎黑山頭 見紀事

簫聲欲盡月色苦依舊漢家宮樹秋

一曲哀歌茂陵道漢家天子葬秋風

誰知漢武無仙骨滿竈黃金成白煙 以上見張為玉案

涵芬樓藏影宋本曹堯窟集三卷陸時化舊

物也辛酉七月既望校讀一過增湘記

李山甫詩集目錄

菊

風

月

秋

松

讀漢史

上元懷古二首

隋堤柳

蒲關西道中作

送李秀才入軍

送蘄州裴負外

代孔明哭先主

送王郎中劉負外

寒食二首

又代孔明哭先主

貧女

寓懷

蜀中寓懷

盧負外召遊曲江

司天臺

落花

赴舉別所知

賀邢州盧負外

方干隱居

早春微雨

謁劉學士不遇

答劉書記見贈

賀友人及第

雨後過華嶽廟

贈彈琴李處士

劉負外寄移菊

南山

山中覽劉書記詩

早秋山中作

賦得寒月寄齊己

曲江二首

遷居清溪和見示

崇徽公主手跡

題李負外廳

山中寄梁判官

禪林寺寄劉書記

山中病後作

寄衛別駕

遣懷

酬劉書記見寄

依韻答劉書記

山中答劉書記

項羽廟

春日商山道中作

古石硯

惜花

別楊秀才

自歎拙

亂後途中

燕

題慈雲寺僧院

聞子規

送劉將軍討賊

陪鄭先輩訪隱者 兵後尋邊三首

滄浪峽 公子家二首

山下殘夏偶作 夜吟

代崇徽公主意 下第獻所知三首

寄太常王少卿 遊俠兒

下第出春明門 望思臺

病中答劉書記 早秋山中作

別墅 柳十首

酬劉書記見贈

李山甫詩集目錄

李山甫詩集

菊

籬下霜前偶得存 忍教遲晚避蘭蓀也銷造化  
無多力未受陽和一點恩 栽處不容依玉砌要  
時還許上金樽 陶潛歿後誰知己 露滴幽叢見  
淚痕

風

喜怒寒暄直不勻 終無形狀始無因 能將塵土  
平欺客愛把波瀾 枉陷人飄樂遞香隨日在綻  
花開柳逐年新 深知造化由君力 試為吹噓借

與春

月

狡兔頑蟾死復生度雲經漢澹還明夜長雖耐  
對君坐年少不禁隨爾行玉桂影搖烏鵲動金  
波寒注鬼神驚人間半被虛拋擲唯向孤吟客  
有情

秋

傍雨依風冷漸勻更憑青女事精神來時將得  
幾多鴈到處愁他無限人能被綠楊深懊惱謾  
喂黃菊送殷勤鄒家不用偏吹律到底榮枯也

自均

松

地聳蒼龍勢抱雲天教青共衆材分孤標百尺  
雪中見長嘯一聲風裏聞桃李傍他真是佞藤  
蘿攀爾亦非羣平生相愛應相識誰道脩篁勝  
此君

讀漢史

四百年間反覆尋漢家興替好沾襟每逢姦詐  
須接手直遇英雄始醒心王莽弄來曾半破曹  
公將去便平沉當時虛受君恩者謾向青編作

鬼林

上元懷古 二首

南朝天子愛風流，盡守江山不到頭。總是戰爭收拾得，却因歌舞破除休。堯行道德終無敵，秦把金湯可自由。試問繁華何處在，雨苔煙草古城秋。

爭帝圖王德盡衰，驟興馳霸亦何為。君臣都是一場笑，家國共成千載悲。排岸遠檣森似槩，落波殘照赫如旗。今朝城上難回首，不見樓船索戰時。

把字粉字在方寸上疑是托字也

隋堤柳

曾傍龍舟拂翠華，至今凝恨倚天涯。但經春色還秋色，不覺楊家是李家。背日古陰從北朽，逐波疎影向南斜。年年只有晴風便，遙為雷塘送雪花。

蒲關西道中作

國東王氣凝蒲關，樓臺帖出晴空間。紫煙橫捧大舜廟，黃河直打中條山地鎖。咽喉千古壯風傳，歌吹萬家閑來來去去。身依舊未及潘年鬢已斑。

送李秀才入軍

弱柳貞松一地栽不因霜霰自難媒書生只是  
平時物男子爭無亂世才鐵馬已隨紅旆去同  
人猶著白衣來到頭功業須如此莫爲初心首  
重回

送蘄州裴負外

正作南宮第一人暫隨霓旆愴離羣曉從闕下  
辭天子春向江頭待使君五馬尚迷青瑣路雙  
魚猶惹翠蘭芬明朝無路尋歸處禁樹參差隔  
紫雲

代孔明哭先主

憶昔南陽顧草廬便乘雷電捧乘輿酌量諸夏  
須平取期刻羣雄待遍鋤南面未能成帝業西  
陵那忍送宮車九疑山下頻惆悵曾許微臣水  
共魚

送職方王郎中吏部劉負外自太原鄭  
相公幕繼奉徵書歸省署

雙鳳銜書次第飛玉皇催促列仙歸雲開日月  
臨青鎖風卷煙霞上紫微蓮影一時空儉府蘭  
香同處撲堯衣此生長掃朱門者每向人間夢

粉闈

寒食 二首

柳帶東風一向斜  
春陰澹澹蔽人家  
有時三點兩點  
雨到處十枝五枝花  
萬井樓臺疑繡畫  
九原珠翠似煙霞  
年年今日誰相問  
獨卧長安泣歲華

風煙放蕩花披猖  
鞦韆女兒飛出牆  
繡袍馳馬拾遺翠  
錦袖鬪雞喧廣場  
天地氣和融  
霽色池臺日暖燒  
春光自憐塵土無  
他事空脫荷衣泥  
醉鄉

又代孔明哭先主

鯨鬣翻騰四海波  
始將天意用干戈  
盡驅神鬼隨鞭策  
全罩英雄入網羅  
提劍尚殘吳郡國  
垂衣猶欠魏山河  
鼎湖無路追仙駕  
空使羣臣泣血多

貧女

平生不識繡衣裳  
閑把荆釵亦自傷  
鏡裏只應諳素貌  
人間多自信紅粧  
當年未嫁還憂老  
終日求媒即道狂  
兩意定知無說處  
暗垂珠淚濕燈籠



寓懷

萬古交馳一片塵思量名利孰如身長疑好事  
皆虛事却恐閑人是貴人老逐少來終不放辱  
隨榮後直須勻勸君不用誇頭角夢裏輸贏總  
未真

蜀中寓懷

千里煙霞錦水頭五丁開得也風流春裝寶闕  
重重樹日照仙州萬萬樓蛙似公孫雖不守龍  
如諸葛亦須休此中無限英雄鬼應對江山各  
自羞

下第卧疾盧負外召遊曲江

眼前何事不傷神忍向江頭更弄春桂樹既能  
欺賤子杏花爭肯採閑人麻衣未掉渾身雪早  
蓋難遮满面塵珍重列星相借問愁康慵病也  
天真

司天臺

拂雲朱檻捧昭回靜對銅渾水鏡開太史只知  
頻奏瑞蒼生無計可防災景公進德星曾退漢  
帝推誠日為迴何事曠官全不語好天良月鎖  
高臺

落花

落拓東風不藉春吹開吹謝兩何因當時曾見  
笑筵主今日自為行路塵顏色却還天上女馨  
香留與世間人明年寒食重相見零淚無端又  
滿巾

赴舉別所知

腰劍囊書出戶遲壯心竒命兩相疑麻衣盡舉  
一雙手桂樹只生三兩枝黃祖不憐鸚鵡客誌  
公偏賞麒麟兒叔牙憂我應相痛回首天涯寄  
所思

賀邢州盧員外

紫泥飛詔下金鑿列象分明世仰觀北省諫書  
藏舊草南宮郎署握新蘭春歸鳳沼恩波暖曉  
入鴛行瑞氣寒偏是此生棲息者滿衣零淚一  
時乾

方干隱居

咬咬嘎嘎水禽聲露洗松陰滿院清溪畔印沙  
多鶴跡檻前題竹有僧名問人遠岫千重意對  
客閑雲一片情早晚塵埃得休去且將書劍事  
先生

早春微雨

怪來鶯蝶似凝愁不覺看花斲漸濕頭踈影未藏  
千里樹遠陰微翳萬家樓青羅舞袖紛紛轉紅  
臉啼珠旋旋收歲旱且須教濟物為霖何事愛  
風流

謁翰林劉學士不遇

夢繞清華宴地深洞宮橫鎖曉沉沉鵬飛碧海  
終難見鶴入青霄豈易尋六尺羈魂迷定止兩  
行愁血謝知音平生只耻凌風翼隨得鳴珂上  
禁林

答劉書記見贈

吟近秋光思不窮酷探騷雅愧無功茫然心苦  
千篇拙暝坐神凝萬象空月上開襟當北戶竹  
邊回首揖西風知音頻有新詩贈白雪紛紛落  
郢中

賀友人及第

得水蛟龍失水魚此心相對兩何如敢辭今日  
須行卷猶喜他年待薦書松桂也應情未改萍  
蓬爭奈迹還踈春風不見尋花伴遙向青雲泥  
子虛

雨後過華嶽廟

華山黑影霄崔嵬金天門未開雨淋鬼火  
滅不滅風送神香來不來牆外素錢飄似雪殿  
前陰栢吼如雷知君暗宰人間事休把蒼生夢  
裏栽

贈彈琴李處士

情知此事少知音自是先生枉用心世上幾時  
曾好古人前何必更沾襟致身不似笙竽巧悅  
耳寧如鄭衛淫三尺焦桐七條線子期師曠兩  
沉沉

劉貞外寄移菊

秋來綠樹復綠牆怕共平蕪一例荒顏色不能  
隨地變風流唯解逐人香煙含細葉交加碧露  
拆寒英次第黃深謝栽培與知賞但慙終歲待  
重陽

南山

鈍碧頑青幾萬秋直無天地始應休莫嫌塵土  
伴遮面能向樓臺強出頭霽色陡添千尺翠夕  
陽閑放一堆愁假饒不是神仙骨終抱琴書向  
此遊

山中覽劉書記新詩

記室新詩相寄我，藹然清絕更無過。溪風滿袖吹騷雅，巖瀑無時滴薜蘿。雲外山高寒色重，雪中松苦夜聲多。靜酬嘉唱對幽景，蒼鶴羸棲古木柯。

早秋山中作

榮枯無路入千峯，肥遯誰諧此志同。司寇亦曾遭魯黜，步兵何事哭途窮。檜松瘦健滴秋露，戶牖虛明生晚風。山思更清人影絕，隴雲飛入草堂中。

賦得寒月寄齊已

松下清風吹我襟，上方鐘磬夜沉沉。已知廬嶽塵埃絕，更憶寒山雪月深。高謝萬緣消祖意，朗吟千首亦師心。豈知名出徧諸夏，石上棲禪竹影侵。

曲江二首

南山低對紫雲樓，翠影紅陰瑞氣浮。一種是春長富貴，大都爲水也風流。爭攀柳帶千千手，閑插花枝萬萬頭。獨向江邊最惆悵，滿衣塵土避王侯。

江色沉天萬草齊暖煙晴靄自相迷蜂憐杏蕊  
細香落鶯墜柳條濃翠低千隊國娥輕似雪一  
羣公子醉如泥斜陽怪得長安動陌上分飛萬  
馬蹄

遷居清谿和劉書記見示

擔錫歸來竹繞谿過津曾笑魯儒迷端居味道  
塵勞息扣寂眠雲心齊還似村家無寵祿時  
將隣叟話幽棲山衣毳爛唯添野石井源清不  
貯泥祖意豈從年臘得松枝肯爲雪霜低晚天  
吟望秋光重雨陣橫空蔽斷霓

陰地關崇徽公主手跡

一拓纖痕更不收翠微蒼蘚幾經秋誰陳帝子  
和番策我是男兒爲國羞寒雨洗來香已盡澹  
煙籠著恨長留可憐汾水知人意旁與吞聲未  
忍休

題李貞外廳

石砌蛩吟響草堂人語稀道孤思絕唱年長漸  
知非名利終成患煙霞亦可依高丘松蓋古閑  
地藥苗肥猿鳥啼嘉景牛羊傍晚暉幽棲還自  
得清嘯坐忘機愛彼人深處白雲相伴歸

山中寄梁判官

歸卧東林計偶諧柴門深向翠微開更無塵土  
心頭起還有詩情象外來康樂公應頻結社寒  
山子亦患多才星郎雅是道中侶六藝拘牽在  
隗臺

禪林寺作寄劉書記

坐近松風骨自寒茅齋直拶白雲邊玄關不閉  
何人到此事誰論在佛先天竺老師留一句曹  
溪行者答全篇今朝林下忘言說強把新詩寄  
謫仙

山中病後作

卧病厭厭三伏盡商飆初自水邊來高峯枯槁  
骨偏峭野樹扶踈葉未摧時序追牽從鬢改蟬  
聲酸急是誰催雲門不閉全無事心外沉然一  
聚灰

寄衛別駕

曉屐歸來嶽寺深嘗思道侶會東林昏沉天竺  
看經眼蕭索淨名老病心雲蓋數重橫隴首苔  
花千點遍松陰知君超達悟空旨三徑閑行抱  
素琴

遣懷

長松埋澗底鬱鬱未出原孤雲飛隴首高潔不  
可攀古道貴拙直時事不足言莫飲盜泉水無  
爲天下先智者與愚者盡歸北邙山唯有東流  
水年光不暫閑

酬劉書記一二知己見寄

見說金臺客相逢祇論詩坐來殘暑退吟許野  
僧知自喜幽棲僻唯慙道義虧身閑偏好古句  
冷不求竒晦迹全無累安貧自得宜同人終念  
我蓮社有歸期

山中依韻答劉書記見贈

幽居少人事三徑草不開隱几虛室靜閑雲入  
坐來至道非內外詎言才不才寶月當秋空高  
潔無纖埃心滅百慮滅詩成萬象回亦有吾廬  
在寂寞舊山隈從容未歸去滿地生青苔謝公  
寄我詩清竒不可陪白雪飛不盡碧雲欲成堆  
驚風出地戶虢虢似震雷吟哦山嶽動令人心  
膽摧思君覽章句還復如望梅慷慨追古意曠  
望登高臺何當淵明遠師勸傾盃流年將老  
來華髮自相催野寺連屏障左右相徘徊



山中答劉書記寓懷

貴門多冠冕日與榮辱並  
山中有獨夫笑傲出  
衰盛正直任天真鬼神亦相敬  
之子賁丘園戶  
牖松蘿映骨將槁木齊心同  
止水淨筆頭指金  
波座上橫玉柄芙蓉出秋渚  
繡段流清詠高古  
不稱時沉默豈相競窮搜萬籟息危坐千峯靜  
林僧繼嘉唱風前亦爲幸

項羽廟

爲虜爲王盡偶然有何羞見漢江船  
停分天下猶嫌少何要行人贈紙錢

春日商山道中作

一逕春光裏揚鞭入翠微  
風來花落帽雲過雨  
沾衣谷鳥銜枝去巴人負笈歸  
殘陽更惆悵前路客亭稀

古石硯

追琢他山石方圓一勺深  
抱真唯守墨求用每  
虛心波浪因文起塵埃爲廢侵  
憑君更研究何啻直千金

惜花

未會春風意開君又落君一年今爛熳幾日便

續紛別豔那堪賞餘香不忍聞樽前恨無語應  
解作朝雲

別楊秀才

因亂與君別相逢悲且驚開襟魂自慰拭淚眼  
空明故國已無業舊交多不生如何又分袂難  
話別離情

自歎拙

自憐心計拙欲語更悲辛世亂僮欺主年衰鬼  
弄人鏡中顏欲老江上業長貧不是劉公藥何  
由變此身

亂後途中

亂離尋故園朝市不如村慟哭翻無淚顛狂覺  
少魂諸俠貪割據羣盜恣并吞爲問登壇者何  
年答漢恩

燕

每歲同辛苦看人似有情亂飛春得意幽語夜  
聲整羽莊姜恨迴身漢后輕豪家足金彈不  
用污雕楹

題慈雲寺僧院

帝城深處寺樓殿壓秋江紅葉去寒樹碧峯來

曉窓煙霞生淨土苔蘚上高幢欲問吾師語心  
猿不肯降

聞子規

冤禽名杜宇此事更難知昔帝一時恨後人千  
古悲斷腸思故國啼血賤芳枝況是天涯客那  
堪

眉

送劉將軍入關討賊

世人多恃武何者是真雄欲滅黃巾賊須憑黑  
稍公指星憂國計望氣識天風明日凌雲上期  
君第一功

陪鄭先輩華山羅谷訪張隱者

白雲閑洞口飛蓋入嵐光好鳥共人語異花迎  
客香谷風聞鼓吹苔石見文章不是陪仙侶無  
因訪阮郎

兵後尋邊

三首

千里煙沙盡日昏戰餘燒罷閉重門新成劍戟  
皆農器舊著衣裳盡血痕卷地朔風吹白骨柱  
天青氣泣幽魂自憐長策無人問羞戴儒冠傍  
塞垣

旗頭指處見黃埃萬馬橫馳鷲翅迴劍戟遠腥

凝血在山河先暗陣雲來角聲惡殺悲於哭鼓  
勢爭強怒若雷日暮却登寒壘望飽鴟清嘯伏  
屍堆

風怒邊沙迸鐵衣胡兒胡馬正驕肥將軍對陣  
誰教入戰士辭營不道歸新血濺紅粘蔓草舊  
骸堆白映寒暉曾中縱有銷兵術欲向何門說  
是非

滄浪峽

走轂飛蹄過此傍幾人留意問滄浪煙波莫笑  
趨名客爲愛朝宗日夜忙

公子家二首

曾是皇家幾世侯入雲高第照神州柳遮門戶  
橫金鎖花擁絃歌咽畫樓錦袖妬姬爭巧笑玉  
銜嬌馬索閑遊麻衣酷獻平生業醉倚春風不  
點頭

柳底花陰壓露塵瑞煙輕罩一團春鴛鴦占水  
能嗔客鸚鵡嫌籠解罵人騾褭似龍隨日換輕  
盈如燕逐年新不知買盡長安笑活得蒼生幾  
戶貧

山下殘夏偶作

等閑三伏後獨卧此高丘殘暑炎於火林風爽  
帶秋聲名何要出吟詠亦堪休自許紅塵外雲  
溪好漱流

夜吟

除却閑吟外人間事事慵更深成一句月冷上  
孤峯窮理多瞑目含毫靜倚松終篇渾不寐危  
坐到晨鐘

代崇徽公主意

金釵墜地鬢堆雲自別朝陽帝豈聞遣妾一身  
安社稷不知何處用將軍

下第獻所知

三首

偶向江頭別釣磯等閑經歲與心違虛教六尺  
受辛苦枉把一身憂是非青桂本來無欠負碧  
霄何處有因依春風不用相催促迴避花時也  
解歸

不識人間巧路岐只將端拙泥神祇與他名利  
本無分却共水雲曾有期大抵物情應莫料近  
來天意也須疑自憐心計今如此憑仗春醪爲  
解頤

十年磨鏃事鋒鏦始逐朱旗入戰場四海風雲

難際會一生肝膽易開張退飛鶯谷春零落倒  
卓龍門路渺茫今日慙知也慙命笑餘歌罷忽  
淒涼

寄太常王少卿

別後西風起新蟬坐卧聞秋天靜如水遠岫碧  
侵雲雅飲純和氣清吟冰雪文相思重回首梧  
葉下紛紛

遊俠兒

好把雄姿渾世塵一場事莫因循荆軻只爲  
閑言語不與燕丹人

下第出春明門

曾和秋雨驅愁入却向春風領恨回深謝灞陵  
堤畔柳與人頭上拂塵埃

望思臺

君父昏蒙死不回謾將平地築高臺九層黃土  
是何物銷得向前冤恨來

病中答劉書記見贈

病來雙樹下雲脚上禪袍頻有瓊瑤贈空瞻雪  
月高已知捐俗態時許話風騷衰疾未能起相  
思徒自勞

早秋山中作

誰到山中語雨餘風氣秋煙嵐出澗底瀑布落  
牀頭至道亦非遠僻詩須苦求千峯有嘉景柱  
杖獨巡遊

別墅

此地可求息開門足野情窻明雨初歇日落風  
更清蒼蘚槎根匝碧煙水面生翫竒心自樂暑  
月聽蟬聲

柳十首

灞岸江頭臘雪消東風偷軟入纖條春來不忍

登樓望萬架金絲著地嬌

受盡風霜得到春一條條是逐年新尋常送別  
無餘事爭忍攀將過與人

長恨陽和也世情把香和豔與紅英家家只是  
栽桃李獨自無根到處生

只為遮樓又拂橋被人摧折好枝條假饒張緒  
如今在須把風流暗裏銷

弱帶低垂可自由傍他門戶倚他樓金風不解  
相擡舉露壓煙欺直到秋

終日堂前學畫眉幾人曾道勝花枝試看三月

春殘後門外青陰是阿誰  
也曾飛絮謝家庭從此風流別有名不是向人  
無用處一枝愁殺別離情  
從來只是愛花人楊柳何曾占得春多向客亭  
門外立與他迎送往來塵  
強扶柔態酒難醒殢 春風別有情公子王孫  
且相伴與君俱得幾時榮  
無賴秋風斗覺寒萬條煙罩一時乾遊人若要  
春消息直向江頭臘後看

酬劉書記見贈

獨在西峯末憐君和 多勞生同朽索急景似  
傾波禪者行擔錫樵師語隔坡旱 生赤蘚古  
木架青蘿石澗新蟬蛻茅簷舊燕窠篇章蒙見  
許松月好相過思苦通真理吟清合大和

風起送漁歌

春滿南宮白日長夜來新值錦衣郎朱排六相  
助神聳玉襯一廳侵骨涼砌竹拂袍爭草色庭  
花飄豔妬蘭香從今不羨乘槎客曾到三星列  
宿傍



李山甫詩集

已知八月初台校明鈔本稍有異字別注於旁卷中  
所缺各字鈔本乃一與之合知原本殘失久矣

傳增補記

東山席氏悉欣來  
本物于藝川書屋

許琳詩集目錄

送新羅客歸

經李翰林所居

夜發湖口

送蘇處士歸山

送李處士歸山

重經漢南

送人下第

北遊夜懷

漢南懷友

湘江

遊頭陀寺

酬熊尊師

中秋夜懷

寄懷孫處士

尋白石仙人澗

黔中書事

同會裴明府縣樓

荆山夜泊

經故李賓客草堂 府試萊城望三山

許琳詩集目錄

許琳詩集

六 送新羅客歸

君家滄海外一別見何因  
因風土難知教程途自  
致貧浸天波色晚橫吹鳥行  
春明發千檣下應為更遠人

七 經李翰林廬山屏風所居

放逐非多罪江湖不偶回  
深居猶有謂齊世豈無才  
壘嶽晴舒障寒川暗動雷  
誰能續高興醉死一千盃

八 夜發湖口

廣澤去無邊夜程風信偏  
踈星遙抵浪遠燒似  
迎船響嶽猿相次翻空  
鴈接連北歸家業就深  
處有踰年

九 送蘇處士歸山

南遊何所爲一篋又空歸  
守道安清世無心換  
白衣深溪猿共暮絕頂  
客來稀早晚還相見  
論詩更及微

二 送李處士歸山

舊山來復去不與世人  
論得道書留篋忘機  
酒滿尊溪軒松偃坐石  
室水臨門應有頻相訪  
相

看坐到昏

十 重經漢南

分散多如此人情豈自由  
重來看月夕不似去年  
秋息慮雖孤寢論空未  
釋愁須同醉鄉者萬事  
付江流

十一 送人下第歸江州

名高不俟召操賦獻君門  
偶屈應緣數他人盡爲  
冤新春城外路舊隱水  
邊村歸去無勞久知音  
待更論

十二 北遊夜懷

苦心終是否捨此復無營已致歸成晚非緣去  
有程館空吟句月霜曙坐聞更住久誰相問驅  
羸又獨行

十三 漢南懷友人

此身西復東何計此相逢夢盡吳越水恨深湘  
漢鐘積雲開去路曙雪疊前峯誰即知非舊憐  
君忽見容

十四

湘江

孤舟方此去嘉景稱於聞煙盡九峯雪雨生諸  
派雲沙寒鴻鵠聚底極龜魚分異日誰爲侶道

遙耕釣羣

十五

遊頭陀寺上方

高步陟崔嵬吟閑路惜迴寺從何代有僧是梵  
宮來暮靄連沙積餘霞逼檻開更期招靜者長  
嘯上方臺

十六

酬熊尊師以趙貞外廬山草堂見借

豈易投居止廬山得此峯主人曾已許仙客偶  
相逢顧已思難答窮經業未慵還能勵僮僕稍  
更補杉松

十七

中秋夜懷

趨馳早晚休一歲又殘秋若只如今日何難致  
白頭滄浪歸處遠旅舍向邊愁賴見前賢說窮  
通不自由

六 寄懷孫處士

生平酌與吟誰是見君心上國一歸去滄波閑  
至今鐘繁秋寺遠岸濶晚濤深踈放長如此何  
人更得尋

十九

尋白石仙人澗

路窮川島上果值古仙家陰洞長鳴磬石泉寒  
汎花莓苔深峭壁煙靄積層涯難見囊中術人

間有歲華

一 黔中書事

巴蜀水南偏山窮塞壘寬歲時將近臘草木未  
知寒獨狖啼朝雨羣牛向暮灘更聞蠻俗近烽  
火不艱難

二 同友人會裴明府縣樓

開閣雨吹塵陶家揖上賓湖山萬疊翠汀樹一  
行春景逼歸簷燕歌喧已醉身登臨興未足喜  
有數年因

三 荆山夜泊與親友遇

山海兩分岐停舟偶此期別來何限意相見即  
無詞坐久神疑夢永鬢欲絲趨名易遲晚此  
去莫經時

四 題故李賓客廬山草堂

難窮林下趣坐使致君恩術業行當代封章動  
諫垣已明邪佞迹幾雪薜蘿冤報主深知此憂  
民詎可論名將山共古迹與道俱存為謝重來  
者何人更及門

五 府試萊城晴日望三山

不易識蓬瀛憑高望有程盤根出巨浸遠色到  
孤城隱隱排雲峻層層就日明淨收殘靄盡浮  
動嫩嵐輕縱目徒多暇馳心累發誠從容更何  
往此路徹三清

許琳詩集

明鈔蓋格本楊惺吾所藏九行二十日字昨夜校  
伍喬曹鄴二集無一異字殊為悵然今此集詩  
僅二十首得異字二十餘次第亦不同信乎舊鈔  
之可貴也為之所慰不已 乙卯八月初七日沈林

信相詩集

卦北韻燿三青

煙嫩嵐蹕鱗目卦多邈嶼心累發藉於容更何  
孤壯烈烈將雲鈿曾曾掠日即華水交霽盡采

邵謁詩集

放歌行

龜爲秉靈亡魚爲弄珠死心中自有賊莫怨任  
公子屈原若不賢焉得沉湘水

長安寒食

春日照九衢春風媚羅綺萬騎出都門擁在香  
塵裏莫辭弔枯骨千載長如此安知今日身不  
是昔時鬼但看平地遊亦見摧輶死

貞女墓

生持節操心死作堅貞鬼至今墳上春草木無

花卉

自歎

春蠶未成繭已賀箱籠實  
蟞子徒有絲終年不成疋  
每念古人言有得則有失  
我命獨如何憔悴長如一  
白日九衢中幽獨暗如漆  
流泉有枯時窮賤無盡日  
惆悵復惆悵幾迴新月出

送徐群宰望江

古人力文學所務安疲  
眊今人力文學所務惟公  
卿大賢重邦本屈跡官武  
城勸民勤機杼自然國用  
并但見富貴者知食不知  
耕忽爾秋不

熟儲廩焉得盈貢藝既辛  
苦用心必公平吾道不遺  
賢霄漢期芳馨一夫若有  
德千古稱其英陶潛雖理  
邑崔烈徒台衡濁者必惡  
清瞽者必惡明孤松自有  
色豈奪衆草榮爲刀苦不  
利焉得宰牛名爲絲若不  
直焉得琴上聲好去立高  
節重來振羽翎

秋夕

萬里憑夢歸骨肉皆在眼  
覺來益惆悵不信長安遠  
人人但爲農我獨常逢旱  
惡命如漏卮滴滴添不滿  
天末鴈來時一叫一腸斷



覽孟東野集

蚌死留夜光劍折留鋒鏃哲人歸大夜千古傳  
珪璋珪璋徧四海人倫多變改題花花已無玩  
月月猶在不知天地間白日幾時昧

送友人江行

送君若浪水疊疊愁思起夢魂如月明相送秋  
江裏

下第有感

古人有遺言天地如掌闊我行三十載青雲路  
難一作達嘗聞讀書者所貴免征伐誰知失意時

痛楚欲一作傷骨身如石上草根蒂淺難活人人  
皆愛春我獨愁花發如何歸故山相攜採薇蕨

論政

賢哉三握髮爲有天下憂孫弘不開閤丙吉寧  
問牛內政由股肱外政由諸侯股肱政若行諸  
侯政自修一物不得所蟻穴滿山丘莫言萬木  
死不因一葉秋朱雲若不直漢帝終自由子嬰  
一失國渭水東悠悠

戰城南

武皇重征伐戰士輕生死朝爭刃上功暮作泉

下鬼悲風弔枯骨明月照荒壘千載留長聲嗚咽城南水

贈鄭殷處士

善琴不得聽嘉玉不得名知音既已死良匠亦未生退居一河湄山中物景清魚沉池水碧鶴去松枝輕長材靡入用大厦失巨楹顏子不得祿誰謂天道平

古樂府

對酒彈古琴絃中發新音新音不可辨十指幽怨深妾顏不自保四時如車輪不知今夜月曾

照幾時人露滴芙蓉香香銷心亦死良時無可留殘紅謝池水

經安容先生故居

羽化留遺蹤千載蹤難沒一泉巖下水幾度換明月松老不改柯龍火皆變骨雲雨有歸時雞犬無還日至今青山中寂寞桃花發

望行人

登樓恐不高及高君已遠雲行郎即行雲歸郎不返嗟爲樓上人望望不相近若作轍中泥不放郎車轉白日下西山望盡妾腸斷

歲豐

皇天降豐年本憂貧士食貧士無良疇安能得  
稼穡工備輸富家日落長歎息爲供豪者糧役  
盡匹夫力天地莫施恩施恩強者得

金谷園懷古

在富莫驕奢驕奢多自亡爲女莫騁容騁容多  
自傷如何金谷園鬱鬱椒蘭房昨夜綺羅列今  
日池館荒竹死不變改節作花落有餘香美人抱  
義死千載名猶彰嬌歌無遺音明月留清光浮  
雲易改色衰草難重芳不學韓侯婦銜冤報宋

王

春日有感

我心如蘖苦他見如薺甘火未到身者痛楚難  
共諳但言貧者拙不言富者貪誰知苦寒女力  
盡爲桑蠶

學仙詞

上仙傳秘訣澹薄與無營鍊藥變性不  
變形三尸既無累百慮自不生是知寸心中有  
路通上清祖龍好仙術燒却黃金精

妓女

天若許人登青山高不止地若許人窮黃泉深  
無水量諸造化情物成皆有以如何上青冥視  
之平若砥日下騁琅玕空中無羅綺但見勢騰  
凌將爲長如此炫燿一時間逡巡九泉裏一種  
爲埃塵不學墮樓死

寒女吟

寒女命自薄生來多賤微家貧人不聘一身無  
所歸養蠶蠶徒苦心蠶熟他人絲織素徒苦力素  
成他人衣青樓富家女纔生便有主終日著羅  
綺何曾識機杼清夜聞歌聲聽之淚如雨他人

如何歡我意又何苦所以問皇天皇天竟無語

覽鏡

一照一迴悲再照顏色衰日月自流水不知身  
老時昨日照紅顏今朝照白絲白絲與紅顏相  
去咫尺間

輕薄行

薄薄身上衣輕輕浮雲質長安一花開九陌馬  
蹄疾誰言公子車不是天上力

苦別離

十五爲君婚二十君入門自從入戶後見君長

出門朝看相送人暮看相送人若遣折楊柳此地樹無根願爲陌上土得作馬蹄塵願爲曲木枝得作雙車輪安得太行山移來君馬前

覽張騫傳

採藥不得根尋河不得源此時虛白首徒感武皇恩桑田未聞改日月幾曾昏仙骨若求得壟頭無新墳不見茂陵草至今空自繁

白頭吟

漢家天宇闊日月不暫閑常將古今骨禪作北邙山山高勢已極猶自凋朱顏

瞽者歎

我心豈不平我自自不明徒云備雙足天下何由行

送從弟長安下第南歸覲親

白日不得照戴天如戴盆青雲未見路舟車勞出門採薇秦山鎮養親湘水源心中豈不切其如行路難爲文清益峻爲心直且安芝蘭未入用馨香志獨存他門種桃李猶能蔭子孫我家有棠陰枝葉竟不繁心醉豈因酒愁多徒見萱征徒忽告歸執袂殷勤論在鳥終爲鳳爲魚須

化鯤富貴豈長守貧賤寧有根丈夫志不大何  
以佐乾坤晝短疾於箭早來獻天言莫戀蒼梧  
畔野煙橫破村

少年行

末句七言

丈夫十八九膽氣欺韓彭報讎不用劍輔國不  
用兵以目爲水鑑以心作權衡願君似堯舜能  
使天下平何必走馬誇弓矢然後致得人心爭

漢宮井

轆轤聲絕離宮靜班姬幾度照金井梧桐老去  
殘花開猶似當時美人影

顯茂樓

秦山渭水尚悠悠如何草樹迷宮闕繁華朱翠  
盡東流唯有望樓對明月

紫閣峰

壯國山河倚空碧迴拔煙霞侵太白綠崖下視  
千萬尋青天只據百餘尺

附見詩一首

安定胡賓王序略曰謁韶州翁源縣人少爲縣廳吏

客至今怒不措床逐去遂截髮着縣門發憤讀書書  
堂距縣十餘里隱起水心謁苦吟工古調尋抵京師隸國子溫庭  
筠主試憫擢寒苦釋褐赴官不知所終他日縣民祠神者忽自  
稱邵先輩降即曰邵先輩異時號工歌詠者能強爲賦詩乎巫  
略不經意即成二十八字詞韻清苦雖老筆不逮今錄其詞附

末之卷

青山山下少年郎失意當時別故鄉惆悵不堪  
回首望隔溪遙見讀書堂

邵謁詩集

已外冬至後一日校延令鈔本訖傳增潤

周見素詩集

題甘露寺

吳興 周朴 太朴

層閣疊危壁瑞因千古名幾連楊子路獨倚潤  
州城雲近銜江色鷗高背磬聲僧居上方久端  
坐見營營

題玄公院

院深塵自外如佛值玄公常跡或非次志門因  
得中衣巾離暑氣牀榻向涼風是事不逾分祇  
應明德同

福州東禪寺

甌閩一作此郊外師院號東禪物得居來正人經論  
後賢飽槽柳塞馬蓋地月支緹鸛鵲尚窠頂雉  
堪舉世傳

贈太滄和尚

太滄清復深萬象影沈沈有客衣多毳空門偈  
勝金王侯皆作禮陸子只來吟我問師心處師  
言無處心

秋夜不寐寄崔溫進士

愁多難得寐展轉讀書牀不是旅人病豈知秋

夜長歸鄉憑遠夢無夢更思鄉枕上移窻月分  
明是淚光

春日途中寄巴南崔使君

旅人遊汲汲春氣又融融農事蛙聲裏歸程草  
色中獨慚出穀雨未變暖天風子玉和子去應  
憐恨不窮

寄處士方干

桐廬江水闌終日對柴關因想別離處不知多  
少山釣舟春岸泊庭樹晚鶯還莫便求棲隱桂  
枝堪恨顏



寄塞北張符

隴樹塞風吹遼城角幾枝霜凝無暫歇君貌莫  
應衰萬里平沙際一行邊鴈移那堪朔煙起家  
信正相離

次梧州却寄永州使君

隨風身不定今夜在蒼梧客淚有時有猿聲無  
處無潮添瘴海濶煙拂粵山孤却憶零陵住吟  
詩半玉壺

贈念經僧

庵前古折碑夜靜念經時月暗海霞散露濃山

草垂鬼聞拋故塚禽聽離寒枝想得天花墜馨  
香拂白眉

董嶺水

湖州安吉縣門與白雲齊禹力不到處河聲流  
向西去衙山色遠近水月光低中有高人在沙  
中曳杖藜

早春

良夜歲應足嚴風爲變春徧回寒作暖通改舊  
成新秀樹因馨雨融冰雨汎蘋韶光不偏黨積  
漸煦疲民

秋深

柳色尚沈沈風吹秋更深山河空遠道鄉國自  
鳴砧巷有千家月人無萬里心長城哭崩後寂  
寞至而今

贈雙峯山和尚

峩峩雙髻山瀑布瀉雲間塵世自礙水禪門長  
去關荻神松不異藏寶石俱閑向此師清業如  
何方可攀

贈無了禪師

不學世所惜是何無了公靈匡虛殿外虎跡亂

山中晝夜必連去古今爭敢同禪情豈堪問問  
荅更無窮

王霸壇

即今西禪寺山南鑿井有白龜吐泉霸因  
之煉藥點金以濟貧民服其餘藥於阜茨

木下蟬  
蛻而去

王君上昇處信首古居前阜樹即須朽白龜應  
亦全雲間猶一日塵裏已千年碧色壇如黛時  
人誰可仙

送梁道士

舊居桐柏觀歸去愛安閑倒樹造新屋化人修  
古壇晚花霜後落山雨夜深寒應有同溪客相

尋學煉丹

邊思

年高來遠思  
白首罷干戎  
夜色薊門火  
秋聲邊塞風  
磧浮悲老馬  
月滿引新弓  
百戰陰山去  
惟添上將雄

哭陳庾

繫馬向山立  
一杯聊奠君  
野煙孤客路  
寒草故人墳  
琴韻歸流水  
詩情寄白雲  
日斜休哭後  
松韻不堪聞

宿玉泉寺

野寺度殘夏  
空房欲暮時  
夜聽猿不睡  
秋思客先知  
竹迴煙生薄  
山高月上遲  
又登塵路去  
難與老僧期

題赤城中巖寺

一本無下三字

浮世師休話  
晉時燈照巖  
禽飛穿靜戶  
藤結入高杉  
存沒詩千首  
廢興經數函  
誰知將俗耳  
來此避囂讒

塞上行

秦築長城在  
連雲磧氣侵  
風吹邊草急  
角絕塞鴻沈  
世世征人住  
年年戰骨深  
遼天望鄉者  
迴

首盡沾襟

塞上行

見品彙拾遺

柳色正沈沈  
風吹秋更深  
山河空遠道  
鄉國自鳴砧  
巷有千家月  
人無萬里心  
長城哭崩後  
寂寞至如今

遊玉泉寺

見湖廣總志

寺還名玉泉  
冽水亦遭賢  
物尚猶如此  
人心合偶然  
溪流雲斷外  
山峻鳥飛前  
初日長廊下  
高僧正坐禪

登福州南澗寺

萬里重山繞福州  
南橫一道見溪流  
天邊飛鳥東西沒  
塵裏行人早晚休  
曉日春山當大海  
連雲古塹對高樓  
那堪望斷他鄉目  
只此蕭條自白頭

望中懷古

齊心樓上望浮雲  
萬古千秋空姓名  
堯水永銷天際去  
姬風一變世間平  
高踪盡共煙霞在  
大道長將日月明  
從此安然寰海內  
後來無復謾相傾

昇山寺

昇山自古道飛來此是神功不可猜氣色雖然  
離禹穴峯巒猶自接天台巖邊折樹泉衝落頂  
上浮雲日照開南望閩城塵世界千秋萬古卷  
塵埃

哭李端

三年翦拂感知音哭向青山永夜心竹在曉煙  
孤鳳去劔荒秋水一龍沈新墳日落松聲小舊  
宅春殘草色深不及此時親執紼石門遙想淚  
沾襟

福州神光寺塔

良匠用材爲塔了神光寺更得高名風雲會處  
千尋出日月中時八面明海水旋流倭國野天  
文方戴福州城相輪頂上望浮世塵裏人心應  
總平

福州開元寺塔

開元寺裏七重塔遙對方山影擬齊雜俗人看  
離世界孤高僧上覺天低惟堪片片紫霞映不  
與濛濛白霧迷心若無私羅漢在參差免向日  
虹西

春日秦國懷古

荒郊一望欲銷魂，涇水縈紆傍遠村。  
牛馬放多春草盡，原田耕破古碑存。  
雲和積雪蒼山晚，煙伴殘陽綠樹昏。  
數里黃沙行客路，不堪回首思秦原。

春日遊北園寄韓侍郎

灼灼春園晚色分，露珠千點映寒雲。  
多情舞蝶穿花去，解語流鶯隔水聞。  
冷酒盃中宜泛灑，暖風林下有氤氳。  
仙桃不肯全開拆，應借餘芳待使君。

喜賀拔先輩衡陽徐正字

黃紙晴空墜一緘，聖明恩澤洗冤讒。  
李膺門客爲閑客，梅福官銜改舊銜。  
名自石渠書典籍，香從芸閣著衣衫。  
寰中不用憂天旱，霖雨看看屬傅巖。

客州賃居寄蕭郎中

松店茅軒向水開，東頭舍賃一徘徊。  
窻吟苦爲秋江靜，枕夢驚因曉角催。  
鄰舍見愁賒酒與，主人知去索錢來。  
眼看白筆爲霖雨，肯使紅鱗便曝腮。

贈李裕先輩

曉擎弓箭入初場一發曾穿百步楊仙籍舊題  
前進士聖朝新奏拔書郎馬疑金馬門前馬香  
認芸香閣上香閑伴李膺紅燭下慢吟絲竹淺  
飛觴

桐柏觀

見天台志

東南一境清心目有此千峯插翠微人在下方  
衝月上鶴從高處破煙飛巖深水落寒侵骨門  
靜花開色照衣欲識蓬萊今便是更於何處學  
忘機

塞上

受降城必破回落隴頭移蕃道北海北謀生今  
始知

塞上曲

一隊風來一隊沙有人行處沒人家黃河九曲  
冰先合紫塞三春不見花  
石國胡兒向磧東愛吹橫笛引秋風夜來雲雨  
皆飛盡月照平沙萬里空

詠猿

生在巫山更向西不知何事到巴溪中宵為憶  
秋雲伴遙隔朱門向月啼

桃花

桃花春色暖先開  
明媚誰人不看來  
可惜狂風吹落後  
殷紅片片點莓苔

薛老峯

薛老峯頭三箇字  
須知此與石齊生  
直交截斷蒼苔色  
浮世人儕眼始明

弔李羣玉

見一統志

羣玉詩名冠李唐  
投詩換得按書郎  
吟魂醉魄知何處  
空有幽蘭隔岸香

周見素詩集

已於冬至後日投李鈔本補詩二首錄之別紙此別塞  
上有一首上鈔本無也增補

周朴詩補遺

春宮怨

一作杜荀鶴詩

早被嬋娟誤欲妝  
臨鏡慵承恩不在貌  
教妾若為容  
風暖鳥聲碎日高花影重  
年年越溪女相憶采芙蓉

宿劉宿書齋

不掩盈窗目天然拾調高  
涼風移蟋蟀落葉在離騷  
迴筆挑燈燼懸圖見海潮  
因論三國志空載幾英豪



桃花

桃花春色暖先開  
明媚誰人不看來  
可惜狂風吹落後  
殷紅片片點莓苔

薛老峯

薛老峯頭三箇字  
須知此與石齊生  
直交截斷蒼苔色  
浮世人儕眼始明

弔李羣玉

見一統志

羣玉詩名冠李唐  
投詩換得拔書郎  
吟魂醉魄知何處  
空有幽蘭隔岸香

周見素詩集

乙卯冬至後日投李鈔本補詩二首錄之別紙此列塞上行一首上鈔本無也增補記

周朴詩補遺

春宮怨

一作杜荀鶴詩

早被嬋娟誤欲妝  
臨鏡慵承恩不在貌  
教妾若為容  
風暖鳥聲碎日高花影重  
年年越溪女相憶采芙蓉

宿劉宿書齋

不掩盈窗目天然拾調高  
涼風移蟋蟀落葉在離騷  
迴筆挑燈燼懸圖見海潮  
因論三國志空載幾英豪